

30

25

20

15

10

5

113  
863  
18

說約  
合參

四書正解

卷之十八

孟子公孫丑上



四書大金說約合參正解卷之十八

朱世椿爾遐

丹陽吳荃藜右彙輯

受業門人尹士傑漢三仝校

毛玉虎聖羽

孟子

公孫丑章句上

凡九章

公孫章全旨

此章以齊主反手爲主見爲治當以王道而不當言致王之易由子齊之時勢可乘究竟德是根本必有德方勢在內○前四節勿露出霸爭方不碍以其君霸句

公孫丑問曰夫子當路於齊管仲晏子之功可復許乎

復扶一又反

公孫丑孟子弟子齊人也當路要地也管仲齊太夫名夷

吾相桓公霸諸侯許猶期也孟

子未嘗得政丑蓋設詞以問也

參序公孫丑問曰吾夫子固有志用世矣設使今日得當要路而秉齊國之政如當白管仲晏子之功業可復自期許乎析講蒙引路者人所必由也如掌刑罰之權則凡掌刑罰之科者必由焉如操錢穀之柄則凡有錢穀之數者必由焉是彼當要路而我必經由其路而通塞有在於彼者故曰居要地也○許是孟子自許之也

孟子曰子誠齊人也知管仲晏子而已矣

齊人但知其國有一子而已不復知有聖賢之事

參淺說蓋大道之不明也久而功利之入人也深故雖以孟子之徒尚未敢必孟子之能爲管晏而不知其卑管晏而不上爲也故荅之曰齊人之所知者管仲晏子子真齊人也亦惟

知有管仲晏子而已矣此外學術事一

功有高出管晏萬萬者皆所不知也

析講翼註丑固齊人然受學門墻宜不固于習一

俗今所言如此故曰誠齊人也正見此意

或問乎曾西曰吾子與子路孰賢曾西蹙然曰吾先子之所畏也曰然則吾子與管仲孰賢曾西艴然不悅曰爾何曾比予於管仲管仲得君如彼其專也行乎國政如彼其久也功烈如彼其卑也爾何曾比予於是

楚子六反斃音拂  
又音勃曾並音增

孟子引曾西與或人問荅如此曾西曾子之孫楚不安貌先子曾子也艴怒色也曾之言則也烈猶光也桓公獨任管仲四十餘年是專且久也管仲不知王道而行霸術故言功烈之卑也楊氏曰孔子言子路之才曰于乘之國可以使治其賦也使其見於施爲如是而已其於九合諸侯匡天下固有所不逮也然則曾西推尊子路如此而羞比管仲者何哉譬之御者子路則範我馳驅而不獲者也管仲之功詭遇而獲禽耳會西仲尼之徒故不道管仲之事

合參且管晏之功固仲尼之徒所不道也

昔者武問平曾西曰聖門有子路者吾子自度與子路孰賢

曾西以擬之太高盛然不妄安曰子路之才之學乃吾先子之所敬畏者也豈予

之所敢比者乎或又問曰吾子既不敢比子路然則吾子與

管仲孰賢曾西以擬之太卑颶然不悅曰爾何以比予于管

仲且以管仲之事言之自古聖賢功業不至大就者或以得

君不專或以任之不久耳夫管仲得遇桓公之君使秉國政

尊信之至其尊如彼也行政于國至四十餘年莫久如彼也

宜其功烈之遠且大矣乃不率桓公行王道而行霸道區區

功烈其卑陋如彼也仲之人品如此而爾何

乃比予於是重言曾何比我雖見比之甚也

析講兩孰賢就人品說初擬曾西于子路因其不敢當始及管仲玩然則二字亦知管仲不及子路也其識高公孫丑一層矣得君專便含個勢在行政久便含個時在功烈卑歸重

在德不足把專與兩路相形見得無解于功烈之卑重功

卑句○畏是敬畏不敢玩忽意非不及而畏避之也○比予

于是是字指得君專三句○朱子曰管仲

功烈寔卑只到富強住了視伊周何如

曰管仲曾西之所不爲也而子爲我願之乎

爲子

之爲去聲○曰孟子言也願望也

參淺說曰以曾西此言觀之則管仲之功烈曾西之所不屑爲也曾西與我同道曾西不爲而予何爲我願望之乎

析講按爲我願猶云替我期望之上可復許從孟子說故許

爲自期此爲我願從公孫丑說故願爲相望○凡人願則爲

不願則不爲不爲與願字累相呼應

曰管仲以其君霸晏子以其君顯管仲晏子猶不足爲與聲

顯顯名也

參序丑猶未之達也曰管仲相桓九合一匡以其君霸晏子相景布德緩刑以其君顯功亦盛矣猶不足爲與析講前可復許是疑其不能此不足爲是訛其不屑言非有夫子將何所爲之意故孟子承以齊主云云○以君顯如陳蹕貴履賤之說而使君貴尚德緩刑述省耕省斂之言而致

其君興發補助皆是

# 曰以齊王由反手也

王去聲

反手言易也

衆序曰若我當路于齊而得君行道則輔佐齊君以成王業其易猶反手也豈特霸顯之功而已哉  
析講蒙引此是孟子自負也以言能輔佐之也正承上文以其君霸顯二字以字說來皆謂能致其君也猶反手則不必言專且久矣合下時勢在內○以齊王是德其反手處是時勢孟子之所以易王者只是以德而乘時勢耳致王之德在己可王之時在齊故曰以其時考之則可矣乘時以行己之德故有如反手之易何論管晏之霸顯○王謂成王業反手與運掌不同運掌是順治反手是轉亂爲治

# 曰若是則弟子之惑滋甚且以文王之德百年而後崩猶未洽於天下武王周公繼之然後大

## 行今言王若易然則文王不足法與

易去聲同與平聲

激益也文王九十七而崩言百年舉成數也文主三分天下才有其一武主克商乃有天下周公相成主制禮作樂然後教化大行

參淺說曰以管晏爲不足以爲弟子旣已惑矣今又以王猶反手如是言則弟子之惑益甚管晏姑無論且以文王之德可謂極盛又享壽百年而後崩則其德之施亦不爲不久然三分有二其德猶未備洽于天下乃武主克商求清大定周公相成主制禮作樂然後教澤大行洋洋四海是文王尚不熊及身而王如此王業何其難也今言王若反手

手之易然若是則文王之德不足以爲法耶  
析講其疑不在王上而在反手上下面正見滋甚德兼政教及人說見得王業莫盛于文武猶必數聖相繼纔可以致王則王亦甚難今言王太易此所以滋惑耳亦不是不足孟子疑孟子有過于自信之意○按且以文王之德且以二字重舉之詞言無論其他在下者且以聖如文主云云○蒙引文主之德蓋指文王治世之政如九一世祿不征不挾之類下文

德行速亦指仁政也且與大行父昧洽字意相符不專指文王一身上說○百年言其壽之長以見施德之久非在位百年若易然猶云不如反手之易一般也○

大行二字總爭武周言不必分政教

曰文王何可當也由湯至於武丁賢聖之君六七作天下歸殷久矣久則難變也武丁朝諸侯有天下猶運之掌也紂之去武丁未久也其故家遺俗流風善政猶有存者又有微子微仲王子比干箕子膠鬲皆賢人也相與輔相之故久而後失之也尺地莫非其有也一民莫非其臣也然而文王猶方百里起是以難也

朝音潮鬲音隔又音歷輔

參淺說孟子曰文王之德何可當也其所以不及致王者非其德有不足所值之時勢然也商業始于成湯由湯而太甲太戊祖乙盤庚以至于武丁聖賢之君凡六七作其累世德澤深洽下民心天下歸殷久矣久則人心固結難以變而之他也其世德在人如此且以武丁之賢能用入修政雖當國運中衰之時而加振作赫然中興遂能朝諸侯有天下以復湯之故業猶運之掌也紂之去武丁相去十世尚未久也

其在下則累世勲臣之故家與舊民淳龐之遺俗其在上則流風之化善政之事猶有存者其餘澤未泯如此又有同姓之微子微仲王子比干箕子異姓之膠鬲五臣皆賢人也相與同心匡救以輔相之其多士維持又如故紂雖不道國不遽亡必待日久而後失之也况當紂之時尺地莫非商之有也一民莫非商之臣也依然一統之勢然而文王猶起自方百里焉文王所值之時勢皆難是以致王亦難也若其德則何敢當哉

析講此節備言文王興起之難以發明文王何可當也一句人有言商之舊武十至猶有存者二十段見于至輔相一段見衆賢維持之力故久而後失總承上三良是言時之難尺地至百里起是言勢之難是以難句總承上時勢言所以致王之難○故家以勲舊言遺俗以沿習言澤之在下者流風以修齊教化言善政以紀綱法度言澤之在上者曰故曰遺曰流曰善皆本商先主身上來○時勢之難易前後俱未明言只借齊人語一點出耳作者只會大意不必板分尤妙○太甲克終允德太戊治民祇慎祖乙恪謹天命盤庚底緩四方皆聖賢之君也○商自盤庚之後小辛小乙繼立商運又衰諸侯皆不來朝天下已非其有武十能用入修政商道復興武十至紂凡八世一百八年故久而後失之者言失之于武主時不在文王手頭失也○蒙引問周自太主日已强大何文主猶方百里起耶曰是時商運雖衰王制未改故只是仍舊百里之國太主王季又非挾君無已而併奉隣國以自封殖者其所謂强大只是人心來歸國勢內寔耳○真武朝諸侯卽是有天下非既失而後有也只是振

齊人有言曰雖有智慧不如乘勢雖有鎡基不知待時今時則易然也

鎡音一

鎡基田器也時謂耕種之時

參序知文王所以難則知今自所以易矣予齊人也抑聞齊人有言日作事者以智慧然雖有智慧不如乘事勢之便方可以有爲而建功不則智慧無所施種田者以鎡基然雖有鎡基不如待天時之至不可以力作而有獲不則鎡基無所用可見時勢爲王天下之藉也若今日之時勢于興王則易然也吾故曰猶反手也

析講此節文勢似地脉之有過峽○今時只作今日字看補時勢在下未惟此時爲然亦言此日耳○趙注鎡基秦韻之屬蒙引正韵註鋤之別名○上下句以作事言勢者事幾興利之際下二十一句以耕種言

起之耳○史記宋世家云微子國子

宋及卒嫡子早亡立其弟衍爲微仲

夏后殷周之盛地未有過千里者也而齊有其地矣雞鳴狗吠相聞而達乎四境而齊有其民矣地不改辟矣民不改聚矣行仁政而王莫之能禦也

辟興  
闢同

此言其勢之易也三代盛時王畿不過千里今齊已有之異於文王之百里又雞犬之聲相聞自國都以至於四境言民居稠密也

參序何以見其勢之易彼夏后與殷周之盛時王畿之地未有過千里者也而齊方千里有其地矣且民居稠密雞鳴狗吠之聲處處相聞自國都而達乎四境而齊有其民矣有其地則地已闢而不待再闢矣有其民則民已聚而不待再聚矣地廣民衆澤可遠施以視天下士一民皆商之有而文猶方百里起煮不俟矣由是行仁政而天下莫之能禦此之也

析講此節只重勢上行仁政意亦本於說益乘強之勢利用恩也○兩不改讀住謂不改而已闢已聚矣○蒙引勢易以齊之力量言時易以天下機會而言有其時而無其勢固不足以致王勝文公是也有其勢而無其時亦不可以致王太王王季雖曰强大然商命未絕文王亦只二分有二是也雙峰饒氏曰勢是借事力而言有地則有財有民則有兵地廣則財富民衆則兵強所以舉事易文王百里地狹民少所以難

且王者之不作未有疏於此時者也飢者易爲食渴者易爲飲

此言其時之易也自文武至此七百餘年異於商之賢聖繼作民苦虐政之甚異於前之猶有善政易爲飲食言饑渴之甚不待甘美也

參淺說不但此也且周自文武至今七百餘年無有聖君撫

「世」是王者之不作，未有疏濶于此時者也。王者不作，故諸侯分爭而干戈賦斂無時，休息民之憔悴于暴虐之政，未有甚于此者也。又不比商賢聖繼作，善政猶有些存者。于此仁政不行，不待深恩厚澤而民卽感德歸心，辟如下餓者易爲之食渴者易爲之飲致王，又何難哉？蓋時之易也，又如此。

析講且字緊承上文來言，不但有勢且又有如此之時也。○未二句要補仁政在飢者上，要補致王在爲飢下。○易食易飲屬與飲食的身上說。

## 孔子曰德之流行速於置郵而傳命

郵音

置驛也。郵馳也。所以傳命也。孟子引孔子之言，如此。參淺說時勢固易行仁，而况仁政之行本自速者哉？孔子又有言曰：人君之德出，身加民其流行之機更速于置郵而傳命，蓋其誠于此而動于彼，不待疾之而自速，不待行之而自至也。德行本速，如此，况又有時勢之所乘乎？

析講上數節兼時勢別難易如此，則似着德較輕。故引孔子語，又周旋說德亦自速以起下仁政得時勢則反手可必之意。仁政卽德畢竟急着乘時，借勢斷在今日也。○引孔子言，

當今之時，萬乘之國行仁政，民之悅之猶解倒懸也。故事半古之人功必倍之，惟此時爲然。乘去

倒懸喻困苦也。所施之事半於古人，而功倍於古人，由時勢易而德行速也。

參序使地當今至易之時，萬乘之國之勢使我當路于齊輔君行仁政之德，以易虐暴將見民之悅之，猶如有倒懸之苦而忽解之，蓋不帝飢渴飲食者，故所行之事只半于古人。不必百年之久，而其成功必較古人而加倍之，不止于三分有二。惟此日之時勢易，而德行之速，爲然。齊王。

反手，豈虛語哉？而子乃以管晏爲我願乎？

析講蒙引此處左叢連時勢易德行速，然亦不是時勢易故德行速也。只是此節重在德行速耳。○存疑古之人指文王事，半古不必百年繼世，功必有可反手。王齊末句與今

時則易相應，有平載一時文主不可例論。意在內當今之時，時易也。應王者不作一節萬乘，勢易也。應夏后一節仁政，應德行遠。一龍上三籟，只平敘此。遂總承而申斷之也。

加齊章全旨

此章以不動心爲主，其所以不動心者，由于知言，勇于夫子已伏願學之根，後堯舜百王等譜亦與大任相應。○首節言已當大任而不動心，二節至守約也大槩言不動心之有道，自敢問夫子之不動心，至而反動其心。言告子之不動心而斷其失，自敢問夫子惡乎長至必從吾言矣。言已不敢當孔子而寔願學孔子，自伯夷至朱則言孔子之尤盛于群聖以見其所以願學也。

公孫丑問曰：夫子加齊之卿相得行道焉，雖由此霸王不異矣。如此則動心否乎？孟子曰：否。我

四十不動心

相未聲

此承上章，又設問孟子若得位而行道，則雖由此而成霸王之業，亦不足怪。任大責重如此，亦有所恐懼疑惑而動其心乎？四十六彊仕君子道明德立之時。

孔子四十而不惑，亦不動心之謂。

黎淺說：公孫丑問曰：夫子若以齊卿相之位得行其道焉，雖由此位而建功立業，則霸大財王亦其能事無足怪矣。然任大責重如此，亦因而動其心否乎？孟子曰：否。不動心也。蓋我年至四十，道明而無所疑，德立而無所懼。此心已不動矣。今雖當盛位，行大道亦沛然行，其所無事而已。又何動心之有乎？

析講註：恐懼疑惑，就是動心處。按註是惄下養氣，預下個恐懼字，惄下知言，養氣是孟子意中事。恐懼疑惑，在我四十不動心，會意入講可。若丑意中那得知，即動心否乎？內恐懼疑惑不宜硬入。○不動心，氣象如投之至大，而不驚絕之至繁，而不亂便。是。○朱子曰：公孫丑非謂孟子以卿相富貴動其心，謂霸王事大，恐孟子擔當不過有所疑惑而動其心耳。○蔡氏曰：此節見孟子心定于用世之先也。由此二字，捐得位行道，孟子曰：否。已見當大任而不

動心又言我四十不動心者見心之不動非臨事把持全生平涵養已到心體已完未用世時已如此及當大任只是尋常酬應一般更何幾微搖動此句內便含知言養氣學問在內了分彙解上章孟子黜霸崇王比明一切矣此章丑仍帶霸字說終是習氣難除

曰若是則夫子過孟賁遠矣曰是不難告子先

我不動心貴者

奔

孟賁勇士告子名不害孟賁血氣之勇丑益借之以贊孟子不動心之難孟子諺告子未爲知道乃能先我不動心則此亦未足爲難也

參淺說丑曰當大任而不動心若是則夫子之勇過于孟賁遠矣蓋孟賁之力僅能舉一物之重而夫子之心則能荷一世之重也曰人若固守其心而使之不動是亦不難卽如告子之爲人所能未至四十先我我不動心何難也

析講不動心甚難而孟子曰是不難者蓋不問其所以不動心者何如而但曰不動是不難也先我是不待四十先字內定力而自然心不動此處孟子亦姑借告子以說耳

曰不動心有道乎曰有

程子曰心有主則能不動矣

參序丑又問曰敢問不動心固有道乎曰一也

而應天下之事惟其有主乃能不動是有道也

析講註有主二字包得潤下文勑舍曾孟之不動心皆是有主勑以心勝爲主舍以無懼爲主曾孟以守約爲主但有精粗之分○王觀濤曰有道兼精粗言不但出于養盛者爲有道卽其出于強制者亦有道然論強制之道究竟非道還當暗重養盛邊有字要得各隨其意見之所到而有道以主之則皆能不懼不惑而不動心意

北宮黝之養勇也不膚撓不目逃思以一毫挫

於人君撻之於市朝不受於褐寬博亦不受於萬乘之君視刺萬乘之君若刺褐夫無嚴諸侯惡聲至必反之

黑伊糾反撻奴效

反朝音潮乘去聲

北宮姓黷名膚撻肌膚被刺而撻膚也目逃目破刺而轉睛又逃避也挫猶辱也褐毛布寬博寬大之衣賤者之服也不受者不受其挫也刺殺也嚴畏憚也言無可畏憚少諸侯也物

蓋刺客之流以必勝爲主而不動心者也

合參嘗聞北宮黷之養勇也其膚不至被刺而撻膚其目不至被刺而轉睛逃避不但不爲人所刺推其心雖毫小挫辱于人卽若撻之于市朝之大挫辱而在所必報卽其不肯受辱之心非惟不受挫于褐寬博之賤必欲有以報之亦不受挫于萬乘之君之貴必欲有以報之以故視刺萬乘之君之貴一若刺褐夫之賤視天下又安有可嚴憚力之諸侯乎非惟不受挫而必欲刺而報之也雖惡聲至已必以惡聲報之况挫辱之不止于惡聲者乎此以必勝爲主而不動心者也

析謂此節上是不屈乎人下是必執于人不撻不逃勿作被刺益被刺無不撻不逃之理但黜務勝人不至下被刺也惡聲必反不專指諸侯自不膚撻至不受于萬乘之一君一下截總尾詞以畫出必勝○此節及下節兩養字皆從心有主而生不膚二句是不爲人所辱也思以至反之是必報人之辱也思以下相承說下去一節深一節總見其必勝人也不不受三句承必報人之辱意說下視刺斷乘正不不受萬乘之寔也惡聲二句又是卽小以見大之意○東陽許氏曰一毫挫孩人謂所辱者至小也惡聲必反謂不惟辱來必報雖言小不善亦必報也

孟施舍之所養勇也曰視不勝猶勝也量敵而後進慮勝而後會是畏三軍者也舍豈能爲必勝哉能無懼而已矣舍去聲

孟姓施發語聲舍名也會合戰也舍自言其戰雖不勝亦無所懼若量敵慮勝而後進戰則是無勇而畏三軍矣舍蓋乃

戰之士以無懼爲主而不動心者也。衆趙庄又聞孟施舍之所養勇也其自言曰人貴敢戰莫論我。能勝人就使有時不勝而以我敢戰之心視之猶夫能勝勇往直前也若量敵少而後進虛已足勝而後會則設有三軍之多彼必不敢進與會矣是畏三軍之衆者也勝敗兵家之常舍豈能爲必勝哉但能勇往直前無懼而已矣惟其無懼則生死利害皆不足撫其中而視不勝猶勝也此以無懼爲主而不動心者也。

析講大全朱子曰量敵慮勝是畏三軍者此舍譏别人舍自云我則能無懼而已矣○許氏曰勦舍不動心本又在告子方之下公孫丑以孟貴比孟子故孟子亦以勇士之類言之○勦舍一節不是寔敍當時行事總是極其形容頭要知一子不足重只借二字引到曾子上去○舍豈能爲必勝一句正視不勝猶勝之意○新安陳氏曰勦舍皆以心有主而能不動一則主于必勝一則主于無懼蓋是粗猛之不動心孟子立言之法每由粗入精

## 孟施舍似曾子北宮勦似子夏夫二字之勇未知其孰賢也

夫昔

黜務敵入舍累守已子貞篤信聖人曾子反求諸已故二字之與曾子子夏雖非等倫然論其氣象則各有所似。贊猶勝也約要也言論二字之勇則未知誰勝

論其所守則舍比於黜爲得其要也

參序卽二字之氣象而舉之孟施全非曾子比也其氣象似曾子。益全之取必于已彷彿曾子之反求諸已也北宮勦非子夏比也其氣象似子夏益黜之務在敵入彷彿子夏之為信聖人也夫二字之勇均出于血氣未知其孰賢是非等級固非所論也但謂二字所守來比量則勦之心主于必勝而不動人或以方處之未免爲之動矣舍專于守已而無懼戰勝無愧不動心固也戰雖不勝我之無懼自在其中心初不爲之覩此舍之所守比黜爲得其要也

折講大全朱子曰凡言審約不是守這約約要也言所守者得其要也守得其要則步活忘守定這約則守字死二字不重轉二字優劣但欲以此起下曾子之勇耳似曾子似子夏只在人已二字中佛近似說得着實便差

昔者曾子謂子襄曰子好勇乎吾嘗聞太勇於夫子矣自反而不縮雖褐寬博吾不惴焉自反而縮雖千萬人吾往矣

好去聲惴之瑞反

此言曾子之勇也子襄曾子弟子也夫子孔子也縮直也摺弓曰古者寇縮縫今也衡縫又曰摺束縮二衡三惴恐懼之也往往而敵之也

參大全要之點舍之不動心皆血氣之勇非吾儒義理之勇也昔者曾子謂子襄曰子好勇乎則必好其大勇而後可吾嘗聞大勇于吾夫子矣夫子有言曰天下之氣以垂爲主人所恃以常伸而不屈者此也故自反其已而不縮理曲則氣不伸雖一褐寬博之賤亦爲之屈吾得不惴焉懼之乎自反而敵之矣此所謂大勇而吾子所當好者也觀此則曾子之不動心以理義之直爲主可知矣

析講此見得孟施舍雖似曾子特以氣勝耳未聞聖賢之大

勇也故此以大勇言之勇而曰大隱慮露自然之氣自反二段形容出理臆氣轉的模樣兩自反甚重曾子大勇是得力處自反而縮內已萬養字意自反工夫在乎時不在臨時一反吾字着方吾往凡以一是矯衆非一正杭衆邪皆是吾反之而縮便舍下集義等意千萬人吾往便有塞天地氣象○大金王氏曰自反而縮二句卽所謂內省不疚夫何憂何憊也自此節已出孔子○此節言曾子之大勇以義理之直爲主而不動心者也吾不惴焉猶云吾得不怕他焉猶乎也不受于褐寬博者不知此義也能無懼而已者亦不知此義也正可以相形觀之○自反而縮下文直養之說蓋本于此序一章大指所繫不可失也

## 孟施舍之守氣又不如曾子之守約也

論孟施舍雖似曾子然其所守乃一身之氣又不如曾子之反身循理所守尤得其要也孟子之不動心其原益出於此下文詳之

參輔氏論舍之氣象雖似曾子而守約于黜然舍之所守不

過一一身之血氣固未嘗反之于心以自省其直與不直也其視曾子之自反以縮爲勇則其所守之要非舍之所可比也

反身循理此曾子不動心之道也

浙講大全許氏曰章首至此爲第一節○隱士曰此節又出氣字前是已與人之辨此是理與氣之辨○此氣字又與浩然之氣不同○引曾子自反縮不編後面直養是從這一個縮字來而配義道集義所生都管攝在這個縮字裏朱子識其意故于此條註下始露出一理字黜舍之所不能識者在此孟子告子所以得失者在此○以上俱承上不動心有道來曾子守約便是最得其道者也○守約字不對上句氣字對前守約字看言舍雖守約只氣耳又不如曾子之守理尤爲得其要理在方寸至約至定隨天翻地覆古往今來搖動不得○蔡氏曰曾子之大勇未嘗遺氣只是從氣之原頭上做工夫正與孟子持志相合大抵志爲主氣爲徒持志自然無暴無暴乃見持志曾孟通是節心以調氣都不在氣上着力而惟卽心之理以養之此正所謂善養氣黜舍之守氣客氣也告子之勿求氣只是不能持志以調氣而非病其不用力干氣也總之就氣強制皆謂之暴氣諸說于夫志氣之帥

三十節皆单重氣字將氣與志分作兩物將持志與無暴分作兩物又似告子已能持志但不能養氣前後文理未免有欠矣○知言是明其理養氣是配乎理故集註曰其源蓋出于此然孟子得之曾子曾子得之孔子孔子自反而縮之言正以直養之說也○存疑黜不動心之道以必勝爲主舍不動心之道以無懼爲主曾子不動心之道以理直爲主卽黜舍之不動心告子之不動心太畧可見矣卽曾子之不動心孟子之不動心大畧可見矣此孟子答問之意也

曰敢問夫子之不動心與告子之不動心可得聞與告子曰不得於言勿求於心不得於心勿求於氣不得於心勿求於氣可不得於言勿求於心不可夫志氣之帥也氣體之充也夫志至焉氣次焉故曰持其志無暴其氣聞與之與平聲夫志之夫音扶

此一節公孫丑之間孟子誦告子之言又斷以已意而告之也告子謂於言有所不達則當舍置其言而不必反求其理於心於心有所不安則當力制其心而不必更求其助於氣此之所以固守其心而不動之速也孟子既誦其言而斷之曰彼謂不得於心而勿求諸氣者急於本而緩其未猶之可也謂不得於言而不求諸心則既失於外而遂遺其內其不可也必矣然凡曰可者亦僅可而有所未盡之辭耳若論其極則志固心之所之而爲氣之將帥然氣亦人之所以充滿於身而爲志之卒徒者也故志固爲至極而氣卽次之人固當敬守其志然亦不可不致養其氣蓋其內外本末交相培養此則孟子之心所以未嘗必其不動而自然不動之大略也參達說夫知默食則知告子知曾子則知孟子矣丑猶未悟又問曰敢問夫子之四十而不動心與告子之先夫子不動心其道可得聞與孟子曰欲觀告子之不動心當觀其言告子嘗有言曰凡言有達是不得不于言也若因而反求諸心則心爲之擾矣故但當舍置其言而勿求于心焉凡心有不安制其心而勿求于氣焉告子之言如此自我觀之心本也氣

未也既也有本末之分其差自有緩急之數也彼謂不得于心勿求于氣者是亦知心重于氣急于本而緩其未猶之可也若言外也心內也外之不能達其詞皆冉內之不能明其理不得于真正宜反求之心也彼謂不得于言勿求于心者則言之理終不達而心亦置之無用之地既失于外而遂遺其內其不可也必矣然要其極而論之則不可者固不可而可者亦未可知也何則夫志也者運于一心而氣之張弛隨之固所以幸乎平氣而爲氣之帥也氣也者充于百體而氣之運用由之亦所以輔乎志也夫志而曰帥則所以立此氣之體固爲至重焉然氣而曰充則所以達此志之用亦卽大于志焉當順以養之使不失吾精明之體而常足爲氣之帥其于氣也亦而亦不緩于未然後爲不僵之學爲盡善之道彼告子謂不得于心勿求于氣者夫豈可哉

忻講大全輔氏曰心有知氣無知雖云氣則動志大抵是氣隨心動故以志爲帥不言心而言志者志者心之動而有所之之處也但志則就其動實言故尤切于心無形氣有質

雖云心爲本氣爲末，然人所以充滿其身而不至餒之者，是賴氣爲志之卒徒也。志而無氣，則志無所使，亦猶將帥而無卒徒，則亦虛名而已。○問：志至氣次，大日也不是先後，也不是大小，只是不緩急的意思。志雖爲至，然氣亦次。那志所爭，亦不多，蓋爲告子將氣滅故，低說了，故說出此語。○不得於言，皆是說他入之言，以與後面知言相貫，即大註于言有所云云，亦未嘗斷定爲已之言也。○夫志氣之帥，以下俱見得，氣不偏輕之意，以正其勿求于氣之非，抑重氣邊，若不得于言一句，則以不可二字，斷然故此後不復置辨。○志氣非兩物，持志之外，別無養氣工夫，然人未有不持志而能言，無暴氣者，亦未有暴其氣而能收持志之全功者。對舉而互言之，其意始備。○蔡氏曰：此孟子述告子之所以不動心者，而論斷之，亦就見得已之所以不動心者也。須知告子之勿求于氣，總是勿求于心，而曾孟之自反集義，正是能求諸氣，知言養氣，無二理。言雖在外，而知仍在心，善養，即心之存者，機知言，卽心之明者，機只是二個自反工夫，自反則此心便養得，理完見得理透，此心更無可動矣。○新安陳氏曰：下文知言養氣，其根已安于此，告子不得于言，卽子不求其理，于心是不

知言也，不得不于心，卽不求其助于氣，是不養氣也。告子孟子其不動心之名，雖同而其所以不動心之本，則相反而全不同者，在此。○不得于言，如言性不達性之理，此其病由心中義理不明，正當反而索解，心彼以反求則心爲之亂，故置而勿求，心以理安，爲得不得于心，須亦求助于氣者，如手容不恭，足容不重，則心有所不安，必須使手容常恭，足容常重，便是求助于氣也。彼以求助于氣則心益滋擾，故置而勿求，冉勿字正禁制意，此全不顧義理，不知學問，冥然惶然，以寂守，一心如此，不動是亦無難，此其所以先孟子不動心也。勿求于氣，可字所失，不專在此，不必說他，不是之意，可者未盡，可不可者，斷然不可是，一步先，寬一步，語帥與充言，其用也，至與次定其分也，惟帥故爲至，惟充故爲次，惟至故當持，惟次故亦當無暴意，自一串入正須開，開說去不然，丑不必再問。

既曰：志至焉氣次焉，又曰：持其志，無暴其氣者，何也？曰：志壹則動，氣壹則動，志也今夫蹠者

卷之二十一

# 趨者是氣也而反動其心

扶夫音

公孫五見孟子言志至而氣次故問如此則專持其志可矣又言無暴其氣何也壹專一也蹶蹠也趨走也孟子言志之所向專一則氣固從之然氣之所在專一則志亦反爲之動如人顛蹠趨走則氣專在是而反動其心焉所以既持其志而又必無暴其氣也程子曰志動氣者什九氣動志者什二參序丑猶未達志至氣次之說又問曰夫子既曰志至焉氣相關的志之所向專一固足以動夫氣而不得安寧氣之所在于事一古亦足以動夫志而不得安寧也今夫人意料之外忽然蹶仆者忽然有事而奔趨者是氣失其平所致也而反以動其心不得安寧此氣一動志之

驗也故志必當持而氣又當無暴也

析講大全朱子曰告子惟不得于心故不得于氣不得于氣愈不得于心正與勑舍之宋氣同歸暴氣人安可不持志以無暴其氣也志動氣是源頭濁者故下流亦濁也氣動志者

却是下流壅而不泄反濁了上面也○許氏曰敢問夫子不動心至此爲第二節○按近文志壹句多講似志師氣一般不知壹字動字俱不是好說詰無二樣兩句爲兩解之理但兩句不平上句輕帶避說下句故然一也字玩詳固字亦字自明○持志所以直其內無暴所以防其外兩皆文致其功則養正而氣自定氣定而志益正矣○蹶趨是氣之暴而不出于志者若養氣工夫到則行步齊和一步中采齊自不至有顛蹠趨走○爲告子將氣說得太低了故說志最要緊氣亦不可緩故志至氣大持其志無暴其氣是兩邊做工夫如蹶是氣也他心本不會動只忽然舉一跌氣一暴則心便動了○形之疑在無暴其氣一句而所以致疑其氣之不必無暴者全在看至次二字不明蓋孟子所謂至次是舉分緩急之意丑所認至次是輕重相懸之意所以有此間耳○按漢說志一動氣則志固不可不持氣一動志則氣亦不可不養往徧任則不謹持未免亂使氣詳中從之二字借云因之而動非順當聽命于志之謂也○氣動志不止三十趨蹠凡視聽言動氣用事到勝處皆能動志

敢問夫子惡乎長曰我知言我善養吾浩然之

氣聲

惡乎

公孫丑復問孟子之不動心所以異於告子如此者有何所長而能然。而孟子又詳告之以故也。知言者盡心知性於凡天下之言無不有以究極其理而識其是非得失之所以然也。浩然盛大流行之貌氣卽所謂體之充者本自浩然矣。養故餽惟孟子爲善養之以復其初也。蓋惟知言則有以明夫道義而於天下之事無所疑。養氣則有以配夫道義而於天下之事無所懼。此其所以當大任而不動心也。告子之學與此正相反。其不動心殆亦冥然無覺。悍然不顧而已爾。參叢引上文總是告子之不動心出于強制于是孟子問夫子不動心否。待強制而自然不動者果何所長而能然。曰告子不得于言。勿求于心。是不知言也。我能知天下之一言。而明其是非。待失之所以然。告子不得于心。勿求于氣。是不能養氣也。我之能善養吾浩然之氣而還其本然盛大之體流行之用。知言則遇事有真見。而彼不能感于我。養氣則臨事。

有擔當而我無所憚。于彼此我之異于告子而不動心者也。析講大全饑氏曰此善養氣以成德言非是說做工夫。天下文必有事焉以下却是工夫處。○此節以不動心爲綱。知言養氣爲目。若顧兒失母。卽非凡是長于告子處。告子去之勿求。只就言與氣上強制。孟子則言與氣必反諸心而不涉。雖制知言。是照以此心之理。養氣是養以此心之理。總由自反心學得來說。一善養便念下勿忘勿助。○註中明道義配道義。又預透意宜。○二我字緊與告子對針。知言養氣。正孟子長于告子而能不動心處。知言則心無所疑。養氣則心無可懼。無所疑。懼即是心之不動矣。不分兩脣看。○東陽許氏曰知言則盡心知性。萬理洞然。何所疑。感養氣則動皆合義。遇事卽行。何有畏怯。○者既全。何有動心。○孟子一生受用只是精義。集義。精義。故能知言集義。故能養氣。精義者木學也。集義者木學所謂誠正條論語所謂約禮。孟子所謂存心。養性。堯舜所謂惟一也。由此而王。則爲齊家治國平天下矣。○解士曰朱子小註云不知言便無以養氣。亦是木槩理。若此處云然。則多一折。不見語氣矣。蓋此是明不動心之故。非

又明能養氣之故也

## 敢問何謂浩然之氣曰難言也

孟子先言知言而丑先問氣者承上文方論志氣而言也難言者蓋其心所獨得而無形聲之驗有未易以言語形容者故程子曰觀此一言則孟子之實有是氣可知矣

參趙注正日敢問浩然之氣其狀

如何曰此固難以言語形容也

析講此節問答俱就孟子身上說丑少問善養而問浩然之氣是問浩然之體段光景難言非不可言之謂至大二節正說所謂浩然之氣至集義二節方說所以善養意是孟子心有獨得言只個話頭微妙大費形容耳○問浩然之氣與血氣如何朱子曰只是一氣義理出于其中則

爲浩然之氣不由義理而發則只爲血氣

## 其爲氣也至大至剛以直養而無害則塞于天

### 地之間

至大初無限量至剛不可屈撓蓋天地之正氣而人得以生者其體良本如是也惟其自反而縮則得其所養而又無所作爲以害之則其本體不虧而充塞無間矣程子曰天人一也更不分別浩然之氣乃吾氣也養而無害則塞乎天地一毫爲私意所蔽則歟然而餒知其小也謝氏曰浩然之氣須於心得其正時識取又曰浩然是無虧欠時

參存疑試以難言者爲子言之其所爲浩然之氣也是極盛

大的他那力量隨甚麼事都做得而初無限量又是極剛勁的他要這等做隨甚麼都止他不得而不可屈撓人但自反常縮順其自然以直養之而無所作爲以爲之害則其剛克者上而天下而地中而人物皆其運用所及而充塞乎天地之間豈是尋常可擬者

析講太全朱子曰纔說浩然便有剛果意思如長江大河浩浩然而來也○問孟子說浩然之氣却不分稟賦清濁說曰此不是說氣真如今人說氣魄相似有這氣魄便做得這事無氣魄便做不得○蔡氏曰此氣在人極天蟠地宇宙內事皆可做直至大此氣周流無間自強不息更無屈抑日主剛直養卽自反而編與下文集義等寄卽不編與下文正忘助

等直養無害尺。一意非直養了，又要無害直養，便是無害。卽下文集義，而非義襲，不是兩層塞平。天地之間極其充耳，則字甚累見，能直養便是塞天地。此與下節都就氣說，尚未說到人能養成上，故兩以“其爲氣也”起之。此節是言氣之體，反如此體矣。猶言形像模樣，正言浩然之氣是這般樣子也。乞認作體用之一體。至大至剛已描盡。浩然之狀直養二句，前塞天地來描他剛大之狀，是本體勿涉功效說直養，意在本節甚輕，但非直養者不能有。此浩然景象耳。浩然之氣，本是天地之正氣然天人一理，故孟子更不分別直以爲已之氣也。得天地磅礴之氣，故至大得天地直遂之氣，故至剛塞于天地，即是全其本體而不失乎。浩然意益復其剛大之相便，天地之間無一事做不得無一處去不得，皆此氣運用所及也。

## 其爲氣也配義與道無是餒也

餒，奴

非反

配者合而有助之意，義者人心之裁制，道者天理之自然，餒乏而氣不充體也。言人能養成此氣，則其氣合乎道義而爲之助，使其行之勇決，無所疑憚。若無此氣，則其一時所爲

雖未必不出於道義，然其體有所不充，則亦不免於疑憚，而不足以有爲矣。合參浩然既如此，若果直養無害，吾見其爲氣也，足以配道，與義益道，義雖具于人心，而不能自行，惟養成浩然之氣，則見道義所當爲者，便奮然必爲，無所疑憚。兩相配而兩相成矣。若無是浩然之氣，則體有不充，如飢人之不得食，索然自餒，而遇事多懼，何以配道義而有爲哉？以此觀之，其所以浩然者可見矣。

析講塞天地只說一個懸空境界，到配道義方見塞天地之寔落處。配義與道在作事上看事，事物物各有副，自然之理，是謂之道，從吾心裁制區別而順以付之，是之謂義。道義養成與氣合，一路事便一一滾出來，只道義是虛的，得氣襯贓起來，便直前不遊，故曰合而有助。此氣卽是那正理的精神性力量，處無是。副字指氣餒，只是體不充，與下餒字一般。但此餒字內有無以配道義意，下餒字則根無道義來。此節是說此氣可將如此用言氣之功用。畢竟義道是本，義道是形而上者氣是形，而下者若義道別而言，則道是舉他體統，而言義是就此一事所處而言。

語類

左集義以生此氣

則須要勉強及到氣去配義與道則義道之行愈覺剛果更無凝滯尚何恐懼之有。集義是平時工夫配義與道是卒然臨事氣配道義行將去。此處義道不可分體用蓋皆就行處說也。

是集義所生者非義襲而取之也行有不慊於心則餒矣我故曰告子未嘗知義以其外之也

慊口筆口劫二反。○集義猶言積善益欲事事皆合於義也襲掩取也如齊侯襲莒之襲言氣雖可以配乎道義而其養之之始乃由事皆合義自反常直是以無所愧怍而此氣自然發生於中非由只行一事偶合於義便可掩襲於外而得之也慊快也足也言所行一有不合於義而詐反不直則不足以於心而其體有所不充矣然則義豈在外哉告子不知此理乃曰仁內義外而不復以義爲事則必不能集義以生浩然之氣矣上文不得於言勿求於心卽外義之意詳見告子上篇。

實資理以生故所爲浩然之氣乃是歲月積累出一事之合義積而至于事事之合義則自反常直而此心仰不愧俯不怍不由人力安排自然發生出來而剛人者却非旦夕之間只一二件偶合于義便掩襲爲是做個剛強不屈的模樣而强取得來者也蓋所行偶合于義則其不合于義者多但行不合于義而反之于心有所不自快足處則有愧有怍不慊消沮氣不充體而餒矣如何可義襲而取之哉夫集義而心慊則浩然之氣生行有不合于義而心不慊則此氣餒是少之慊否一係于義之得失此可見義爲吾心固有之理在內不在外明矣我故有言曰告子未嘗知義以其謂義爲在处也外義則不能集義而浩然之氣何由生哉

折講解言配義與道是現成就氣上說集義句方論到養義工夫道是體義是用體比無做了工夫處故只言集義而不言道。○大全朱子曰是字緊根上文來是字與非字對義與非義集學對生是裏面生出取是外面取來。義襲句須是反言以決不可不集意行有不慊于心則餒矣。申非義襲而取之句蓋氣與心原相聯氣從義義從心義不在心外襲則氣不在心外取也。告子之不得于言不得于心正不得于事

也所以暴氣而不能持志。說。告子外義。不重。則他只惜他。事集義者。一事一念務合于義久之。埋順心安。而首不疚。自有勃然奮發不可遏抑之氣。義襲而取者。平時無集義工夫。只行一二十事。合合理便。粗做仪義。發奮氣概。正與集義。所生相反。是是非。一字虛猶云。是如此而非如。彼之意。是集義二句。皆是見得義內處。問此氣是真得天地底來。是集義方能生。日本自浩然被人。自少年。了。今當集義。方能生。日。義合下。剛勇是如何。日此只是。養氣便是。勤舍之勇。亦後得。飯時。告子之病。益不知心之慚處。即是氣之所安。其小慊處。即是不合于義。故直以義爲外。而不求。則既矣。及上節。饅字皆不可。日氣饅。集註皆以體有不充解之。蓋言無以充于其體也。譬。如人不曾吃飯相似。饅不在人之腹。何作飯耶。夢寐者。且。尊集註餘。雖大金尚可抹却。無論其他矣。

必有事焉而勿正。心勿忘。勿助。長也。無若宋人。然宋人有閔其苗之不長。而揠之者。芒然歸。謂其人。

曰。今日病矣。予助苗長矣。其子趨而往視之。苗則槁矣。天下之不助苗長者寡矣。以爲無益而舍之者。不耘苗者也。助之長者。揠苗者也。非徒無益而又害之。八反舍上聲。揠鳥

必有事焉而勿正。趙氏辟子以七十字爲句。近世或并下文心字讀之者。小通。必有事焉。有所事也。如有事於顓堯之有事。正豫期也。春秋傳曰。戰不正勝。是也。如作正心。義亦同。此與大學之所謂正心者。語意自不同也。此言養氣者。必以集義爲事。而勿豫期。其效其或未充。則但當勿忘。莫所有事而不芒。無知之貌。其人家人也。病疲倦也。舍之而不耘者。忘其所。有事。揠而助之長者。正之不得而妄有作為者也。然不耘。則失養而已。揠則反以害之。無是二者。則氣得其養。而無所害矣。如告子不能集義。而欲彊御其心。則不能免於正助之病。

其於所謂浩然者蓋不惟不善養而又反害之矣

參淺說夫氣由集義而生非由義襲而取故養氣者但當以集義爲事事求慊于心時時自反其縮而勿預期其氣之效久之當自充也其或未充則是集義之功未至但當勿忘其事只有一心集義而不可作爲以助其氣之長此集義養氣之節度也夫有事勿忘皆集義也所謂真養者此也勿正勿助皆非義襲也所謂無害者此也然人多知忘之爲害而不知正助之害視忘其有事者爲尤甚也養氣者慎勿若宋人然宋人有閑其苗之不長而揠之使長矣其子趨而往視之苗則已槁矣由宋人之事觀之天下之養氣不如宋人之助苗長者寡矣彼以集義爲無益于氣而舍之不事者猶不表苗者也未甚害也至于氣之不充而妄有作爲以助之長者正如揠苗者也非徒無益于氣而反害于氣矣知助長之害則知非義襲而取之矣知非義襲而取則知當以集義爲事矣以集義爲事而勿忘勿助所爲善養浩然之氣者以此彼告予之不得于心勿求于外則亦憚然不顧而已何足以證此哉

析講此節以有事二字爲綱勿正勿忘勿助不過純此有事之功而已必有事正是集義之功正忘助正是義襲之害然正者忘助之根故先以勿正戒之言養氣當以集義爲事不可預期其效一有期效之心非忘即助益效追則中輒而成急不忘則又作爲而成功語意相避說下歸重在助長上引宋人一段甚言助之爲害益助之心生于正而助之病甚于忘所謂直養無害者正欲無助之害也所謂氣之不可暴者正不可助以暴之也天下不暭苗以後都指養氣言助字正照舊字看非徒無益句正晓直養無害看○宋人一段固是訛助長其寔正忘都在內始以爲無益而舍便是忘閑其苗便是正助長多見于臨事之時蓋由平日不能養其氣也○存疑無益者但是氣不能生遇事不敢向前者能培養起來尚能生浩然之氣向前去做事若助長之害則自以爲剛強要向前做事一念經摧折索然沮丧再不能培養使氣復充向前去做事矣此段最明白○朱子曰正者等待期至之意如每一邊集義一邊等待那象生待之不至便去助長者如氣未至于浩然便令作主張謂已剛毅無所屈撓便發憤去做事是也○上節已包得有事勿正四句意此則謹言

集義之節度耳。節度猶言法則也。蓋始養而求氣，必是事勿忘。既養而氣猶未充，須是勿忘，勿助。故云：集義養氣之法則也。  
饒雙峰曰：有事勿忘，是說以直養。勿正，勿助，是說以義。龔集義兩句，乃是二段。骨子以集義爲無益而忘之者，不謂之苗者也。以義襲爲心，預期其效，而助長者，揠苗者也。○謂之有事是此事之外無他事也。謂之必有事是此事之外無他念也。不必分念，念集義事，事集義只當以事言，而念則隨之。集義是義，上着力，而不求之于氣。若氣上着力，便是助長矣。○養氣功夫以二言該之，曰集義，以二言該之，曰直養。無害以四言該之，曰必有事焉，而勿正心。勿忘，勿助，長也。其寔一而已矣。○前說持志，無暴後說養氣，不及持志。言集義，則持志，在其中。今日集義，明日又集義，則此志全在義上。忘便不是，不能持其志。助長，便是暴其氣。

何謂知言，曰：詖辭知其所蔽，淫辭知其所陷邪？辭知其所離，離道辭知其所窮，窮生於其害，害於其辭。知其所離，離道辭知其所窮，窮生於其害，害於其辭。

政發於其政，害於其事。聖人復起，必從吾言矣。

詖彼寄反復扶又反  
漏皮也里放蕩也那

詖、彼寄、反復、挾、又、反、此、公孫丑復問而孟子荅之也。詖、偏、波也。淫、放、蕩也。邪、邪僻也。遁、逃避也。四者相因、言之病也。蔽、遮隔也。陷、伙、溺也。離、叛去也。窮、困、屈也。四者亦相因、則心之失也。人之有言皆出於心。其心明乎、正理而無蔽，然後其言平、正通達而無病。苟焉不然，則必有是四者之病矣。卽其言之病，而知其心之失。又知其害於政事之決然，而不可易者，如是。非心通於道，而無疑惑於天下之理，其孰能之？從告子者，不得於言，而不肯求之於心。至爲義外之說，則自不免於四者之病，其何以知天下之言而無所疑哉？程子曰：心通乎道，然後能無過。非如持權衡以較輕重，孟子所謂知言是也。又曰：孟子知言，正如人，在堂上，方能辨。堂下人，曲面若鶴，求免難於堂下衆人之中，則不能辨。況

叢蒙引丑又問曰何謂知言曰言爲心之聲心明乎理而後言無病若理未平正言却偏陂只說得一邊是謂詖辭吾知其心有所蔽處于理只見得一邊故也說之不已至于子夜發揚而過說得周遮浩瀚是爲滔辭吾知其心之蔽愈深愈深有

所陷濁如身沈于水只見水不見岸了淫之不已全無正說  
逞其詭僻之談是爲邪辭吾知其心之陷惑了他岐昔去不返全離正路了邪之不得已先本這根忽變那樣支吾遷就屢易其辭以求勝是爲遁辭吾知其心離正路困窮不通這樣去不得了只得逃之那樣故也然蔽陷窮之失既生于其心不但發于言者有說道邪淫之病而已必且害于其政而所設施之間大綱皆不是了既發于其政太綱不是了則根本壞而枝葉墮于是衆目都差了而害于其事此機决然相因而至雖聖人復起亦必從吾生心害政事之說而不易矣我所謂知言者如此若告子不得于言勿求于心則亦寡然圓覺而已何足以語此哉此吾之不動心所以異于告子也析講知言要知他本源又知他流弊設淫邪遁知其根于蔽邪離窮是因外而知其所由來生于其心知其害于政事是卽始而知其究竟者皆知言之寔也聖人何不根生于其心四句決其理之必然非矜其言之必信也○大全朱子曰蔽謂心有所蔽只見一邊不見二邊如楊氏爲我輩氏兼愛只各見一邊故其解設設是偏設此理本平正他只說得一邊道如楊子本是不拔一毛以利天下却說天下非三毛

所能利墨子本說愛無差等却說施由親始佛氏本無父母却說父母經皆是遁辭○說知言又只說設淫邪遁四者蓋天下事只有一个是與不是而已若辨得那不是底則便識得那是底了○好辨章先事而後政是自微而至著此章先政而後事是自大綱而至節目○蔡氏曰此節上四句因言知心時知之總歸于知言耳卽其辭之所設若此則知其心之所蔽者有在要看四個所字○許氏曰敢問夫子惡乎長至于此爲第三節○饒雙峰曰設淫邪遁是病証蔽陷窮是病源所蔽所陷所離是病源之所在孟子知言如明醫曉見病証便說病源在何處○設淫邪遁蔽陷窮皆是統說字其寔設有許多樣設蔽有許多樣蔽故着个所字養氣知言結尾俱要回顧不動心方見本領○上集義節云我故曰告子未嘗知義以其外之也外之二字重蓋外義則不能集于義以生浩然之氣是與善養相反此就行處說也此節註云彼告子者不得于言而不求之心至爲義外之說云云就言處說也又與知言相反意各不同○一面說我知言以見告子不知言一面亦說我知言便知告子所言之病須得兩路

宰我子貢善爲說辭冉牛閔子顏淵善言德行  
孔子兼之曰我於辭命則不能也然則夫子既  
聖矣乎 行去 聲

聲行

此一節林氏以爲皆公孫丑之間是也說辭言語也德行得於心而見於行事者也三子善言德行者身有之故言之親切而有味也公孫丑言數子各有所長而孔子兼之然猶自謂不能於辭命今孟子乃自謂我能知言又善養氣則是兼言語德行而有之然則豈不旣聖矣乎此夫子指孟子也○程子曰孔子自謂不能於辭命者欲使學者務本而已參大全文丑聞知言養氣之說承疑而問曰孔門弟子若宰我子貢據理立言善爲說辭若冉牛閔子顏淵身有德行故言之親切而有味數子各有所長而不能相兼此孔子兼此二者而猶曰我于辭命則不能也今夫子知言則是有言語矣又善養氣則是有德行矣然則夫子豈不旣聖矣乎

析講大全胡氏曰此以後因丑提出一聖字爲問故專發明一聖字○蒙引善爲說辭大槩只是善辨善言德行善言字輕德行字重身有德行故言之親切有味○宰我子貢長于言語冉牛閔顏優于德行要見各不相兼以起下孔子兼之句善爲說辭者言根于理而燦然有文秩然有章也善言德行君德行有于身不期于有言而其言皆本于躬行心德之餘也

曰惡是何言也昔者子貢問於孔子曰夫子聖矣乎孔子曰聖則吾不能我學不厭而教不倦也子貢曰學不厭智也教不倦仁也仁且智夫子既聖矣夫聖孔子不居是何言也

既聖矣夫聖孔子不居是何言也

參凌說孟子不敢以聖自居，乃驚異曰：「惡以我爲聖是何言也？」昔者子貢問于孔子曰：「夫子知行俱造其極而爲聖矣乎？」孔子曰：「聖則吾不能。」我但以聖人之道學諸已，而不厭，而又以聖人之道教諸人而不倦也。如斯而已。子貢曰：「學而不厭，而又則文無不考，物無不格。」正是聰明天縱深，知義理之無窮，故融會貫通，深造不已。乃所謂智也。教而不倦，則立必俱立，成不獨成。正是「一體自然，不見物我」之有，故能涵育薰陶，與人同善。乃所謂仁也。仁者聖人之體，智者聖人之用。仁且智，夫子寔既聖矣。子貢孔子相問答，如此夫聖之名。孔子尚不敢居，我何敢自謂爲聖？是何言也？

析講引此以見既聖而猶不自聖明已，之不敢當聖也。○學不厭，智也不可云致知以進于智益。凡人智不足以自明，則學未必能不厭。惟知識之高深，見得聖人之道，皆吾所當明。是以不厭教不倦。仁也不可云以善及人而成其仁。蓋凡人仁不足以及物，則教未必能不倦。惟仁愛之至，不忍以聖人之道私諸。一已是以不倦。如此講方與詳中智之所以自明。二句相合，仁且智。助字要玩，蓋仁熟，智精，便是聖人地位。若使六十二千仁，此謂之仁人。二千智，但謂之智士。惟仁智兼備，方

## 昔者竊聞之子夏子游子張皆有聖人之一體

冉牛閔子顏淵則具體而微，敢問所安。

此一節林氏亦以爲皆公孫丑之問，是也。一體猶三十肢也。具體而微，謂有其全體，但未廣大耳。安處也。公孫丑復問孟子，既不云比孔子，則於此數子欲何所處也？

見孟子不敢以聖自居，故又問曰：「昔者竊聞之孔子之道大而能化全體，渾然者也。當時及門之徒，若子夏子游子張，皆有聖人之一體。如游夏得其文學，子張得其威儀，若冉牛閔子顏淵，則氣質不偏，理義完具，能具有聖人之全體。但未若聖人之大而化之，無限量之可言。而微焉耳。夫子既言不敢比孔子，敢問于數子，何所處也？」

析講趙注體者四肢股肱也。一體者得二十一肢也。具體者四肢皆具，微小也。比聖人之體，畏小耳。

曰姑舍是

聲

孟子言且置是者不欲以數子所至者自處也

衆淺說曰立志欲大取法欲高數子雖賢亦姑置之吾未肯以之自處也

析講是否欲以此自限意勿貶數子

曰伯夷伊尹何如曰不同道非其君不事非其民不使治則進亂則退伯夷也何事非君何使非民治亦進亂亦進伊尹也可以仕則仕可以止則止可以久則久可以速則速孔子也皆古

聖人也吾未能有行焉乃所願則學孔子也

治去聲

伯夷孤竹君之長子兄弟遜國避紂隱居聞文主之德而歸之及武主伐紂去而餓死伊尹有莘之處士湯聘而用之使之就桀棄不能用復歸於湯始是者五乃相湯而

伐桀也三聖人事詳見此篇之末及萬章下篇

衆趙注丑又問曰夫子既不以數子自處若伯夷伊尹甚可處之否乎日二字所行之事與我不同道試以其出處之大節言之彼非其可事之君則不事非其可使之民則不使世治則仕進世亂則退隱以清爲其道者伯夷也得君則仕何所事而非吾君得民則使何所使而非吾民世治亦進仕世亂亦進仕以任爲其道者伊尹也若夫可以仕則進仕可以止則退止可以久留則久留可以速去則速去得時中允之道者孔子也此皆不思不勉造乎其極爲古之聖人也我未能有所行若此也乃言我心之所庶幾則願學孔子所履進退無常與時咸宜也故我與孔子同道而夷尹不同也

析講大全許氏曰宰我子貢至此爲第四節○說夷尹孔子處不宜太分優劣蓋以十有若是班第一問也○乃所願則學孔子要與不動心相關下數節盡在此內○仕止久速一聽於時此心常如太虛無一毫芥帶便是不動心源頭○不同道三字就志行上說意亦在此內○仕止久速一千夷尹之意只言夷尹各自一道是那樣的孔子亦自一道是這等的渾渾說去爲妙皆古聖人一句須以孔子爲主言

孔子固聖人而夷尹亦聖人也孔子吾固未能行而夷尹吾亦未能行也學孔子不必盡學其止久速只說學其道把知言養氣來發揮願學之意亦可

伯夷伊尹於孔子若是班乎曰否自有生民以來未有孔子也

班齊等之貌公孫丑問而孟子答之以不同也

參序丑因皆古聖人之所以說而問曰伯夷伊尹二人于孔子若夫是並班乎曰否不可得而班不但伯夷伊尹蓋自生民以來聖人雖多求其道德事功之盛未有我孔子也

析講否字言非夷尹之所能班自生民二句又推開說見孔子超于聖之表含末三十

節意槩以道德事功言

曰然則有同與曰有得百里之地而君之皆能以朝諸侯有天下行一不義殺一不幸而得天

下皆不爲也是則同

與平講

有言有同也以百里而王天下德之盛也行一不義殺一不仁而得天下有所不爲心之正也聖人之所以爲聖人其根本節目之大者惟在於此於此不同則亦不足以爲聖人矣參序丑又問曰孔子雖爲生民未有之聖然與夷尹既皆謂之聖人然則有相同處與曰有假如得百里之地而君之三聖人皆能以朝諸侯而一統以有天下益其德之盛自然天與人歸也若使行一事之不義殺一人之無辜其失甚小而便可以得天下之大三聖人皆不肯爲也蓋其心之下正不可謂富貴動也此則其根本節目之大而凡聖人之所以爲聖者是則其相同處也

析講太金王氏曰皆不爲也此亦自反而不縮所以不爲。曰是則同便見得其餘不盡同處故丑下文又問其所以異○問伯夷伊尹之行一不義殺一不事而得天下有所不爲何以言之朱子曰以其遷國而逃謫伐而餓介不取與觀之則可見矣

曰敢問其所以異曰宰我子貢有若智足以知聖人汗不至阿其所好

汗音蛙好去聲

汗下也三子智足以知夫子之道假使汗下必不阿私所好而空譽之明其言之可信也

衆序五日敢問夫子之所以異曰聖人不易知觀宰我于責有若之言而可見矣彼宰我子貢有若知識高明足以知聖人假使其智識汗下而不高明亦必不至阿私所好而空譽之則其言之可信也明矣

宰我曰以予觀於夫子賢於堯舜遠矣

程子曰語聖則不異事功則有異夫子賢於堯舜語事功也

盡堯舜治天下夫子又推其道以垂教萬世

堯舜之道非得孔子則後世亦何所據哉

程子曰金宰我有言曰自古聖人首稱堯舜以予觀于夫子賢過于堯舜遠矣堯舜以道治天下成一時之勳業有限夫子剛述六經推其道以垂教明萬世之道學無窮覽何如之以堯舜之聖而孔子目賢之况夫尹可得無乎卽宰我之言而孔子之異見矣

析講此下三節段段要狀願學意○太金陳氏曰輔氏有言當時若無孔子今人連堯舜也不識由此言之則孔子爲天地立心爲生民立命爲往聖繼絕學爲萬世開太平其功業豈不賢于堯舜遠哉○蒙引推明群聖人之道以垂後世一世用之則夫子一世之治功也十世用之則十世之治功也千萬世用之則千萬世之治功也以此言之則賢于堯舜且遠亦宜矣

子貢曰見其禮而知其政聞其樂而知其德由百世之後等百世之王莫之能違也自生民以

來未有夫子也

言人凡見人之禮則可以知其政聞入之樂則可以知其德是以我從百世之後差等百世之王無有能遁其情者而見其皆莫若夫子之盛也

合於予貢有言曰古聖之政往矣然禮所以飾政今日見其所遺之禮而可以知其當日之政觀禮有煩簡而政之質文可知也古聖之德遠矣然樂所以象德今日聞其所遺之樂而可以知其當日之德觀樂有美善而德之性反可知也我持此法以論前代由百世之後差等百世以前歷傳之王者其德政之善否皆莫能道其情也但見自生民以來百王多矣未有如我夫子一身而備帝王之政一心而兼聖神之德者也非萬世莫及者哉夫以百主之聖而孔子旦過之况夷可得班乎觀子貢之言而孔子之異又見矣

析講見禮知政聞樂知德此正是子貢由百世之後等百世之王的訣了○政乃其施于外者德乃其得于中者○存疑見禮知政自王者言之政是純綱法度所以爲治前禮是文爲制度所以文節治道者如體國經野設官分職馭臣與民

皆帝王之設施以爲治者也尊卑上卜之等車輿服色之辨賓祭婚喪之儀皆帝王之制作以飾治者也其飾治者如此則其爲治者可知故觀乎樽杯飲之習則上古朴厚之政可知矣觀籩豆簠簋之美則後世尚文之政可知矣○聞樂知德以韶舞看便見等百世之王謂持見禮知政聞樂知德之法以品第其德政之優劣得失也未一句言我從禮樂中見百王德政未有如夫子也昔說由孔子之禮樂以知孔子之德政不似親炙語氣○紹聞編云夫子分上不復更說禮樂蓋夫子不得位未嘗制禮作樂况子貢親炙夫子又豈待見禮聞樂而後知其德政哉此說最有確見

有若曰豈惟民哉麒麟之於走獸鳳凰之於飛鳥太山之於丘垤河海之於行潦類也聖人之於民亦類也出於其類拔乎其萃自生民以來未有盛於孔子也

極大精反

麒麟毛蟲之長鳳凰羽蟲之長蟻封也行潦道上無源之水也出高也拔特起也萃聚也言自古聖人固皆異於衆人然未有如孔子之尤盛者也○程子曰孟子此章擴前聖所采發學者所宜潛心而玩索也參序有若言曰天地間豈惟民而爲入者哉卽祥如麒麟之于走獸之常靈如鳳凰之于飛鳥之蟲高如泰山之于丘垤之卑大如河海之于行潦之小雖有不同然麒麟也是走鳳凰也是飛泰山也是峙河海也是流皆類也聖人之于民雖有不同然而聖人也是人亦類也但同是類而聖人能踐形盡性寔高出乎人類之上既出于其類則自非衆人可及而超拔乎群萃之表聖人皆異于衆人如此然聖人異于衆人而孔子則尤異于群聖自生民以來聖人亦多矣未有盛如孔子爲出類拔萃之尤者也夫孔子盛于群聖豈夷尹可得班乎觀有若之言而孔子之異更見矣然則生民未有之言豈予一人之私言哉此我之所以願學也子亦可以明我不動心之有自矣

析講太全許氏曰伯夷伊尹于孔子至此爲第五節○存疑豈惟民句是句與起下文這裏含個類字故下文承之曰麒麟

麟云云類也而聖人之于民亦類也又承上類也句而言訣以終豈惟民哉一句之意○出乎其類是承亦類也說拔乎其萃又是自出類處說既出乎其倫類就拔出説多人矣○出于其類只是在類而不圓于類之意出于其類拔乎其萃是兼孔子與一切聖人言之但其中覺得孔子尤甚耳○類以有生之初言萃以有生之後言出類者同得天地之理以爲獨而獨能盡性同得天地之氣以爲形而獨能踐形也惟出類故拔萃在一鄉則高乎一鄉在一國則高乎一國在天下則高乎天下也○豈惟民句是喝起凡物皆同類之意出類二句是槩說凡聖皆異于人也須申說未有盛于孔子瞿鳴禪解云夫子知至行盡自家能踐形盡性又推明衆人所能知能行之理以教天下後世使各得以處形盡性此所以比衆聖人爲尤盛也

以力章全旨此章是定王霸之辨示有國者知所決擇也上節重以德行仁王不待大句下節卽子足以上節之意以力服人非心服云云能不待大乎以德服人

入中心誠服云云又何待大乎

孟子曰以力假仁者霸必有大國以德行仁者王王不待大湯以七十里文王以百里

力謂土地甲兵之力假仁者本無是心而借其事以爲功者也霸若齊桓晉文是也以德行仁則自吾之得於心者推之無道而非仁也

參存疑孟子曰玉霸之稱其來久矣然其寔不可不薦以土地甲兵之力假托於救世安民之仁以濟其私者此謂之霸霸者必有大國方能威以制人而成其事業若無大國則力量不足以假仁矣以躬行心得之德發之于外而行濟人利物之仁者此謂之王王者初不待大國蓋其所爲全在德上無待于力誠心在我而天下信之雖無大國亦足以有爲矣如湯與文王者皆王者也湯之興以七十里

文王之興以百里皆可見其不待大也

析講指南仁以及人之澤言而德則仁之根本也以德行仁者內有此德以此德而措之政是寔政從寔心流出也王霸二字是定其人品謂此是霸者此是王者非論霸天下王天下

正也○假仁謂假托于救世安民之仁事雖公而心則私也如包弟不入昭主不復此是假義救邢保衛之類此是假不以德行仁謂有純王之心以行純王之政也行仁不專指帝王凡教養之政皆是故註曰無適非仁○朱子曰以德行仁德字說得濶是自己身上事無不備了所行出來便是仁是如湯不適聲色不殖貨利至彰信兆氏是先有前面底方能彰信兆民救民于水火之中若無前面底雖欲救民其道無由○此節已載以德服人以力服人意故下節遂承言之○以力服人者非心服也力不贍也以德服人者中心悅而誠服也如七十子之服孔子也詩云自西自東自南自北無思不服此之謂也

贍足也詩大雅文王有聲之篇王霸之心誠僞不同故人所應之者其不同亦如此○鄭氏曰以力服人者有意於服人而人不敢不服以德服人者無意於服人而人不能不服從古以來論王霸者多矣未有若此章之深切而著明者也

參蒙引以力假仁以德行仁王霸固皆有以服人矣然以力而得人之服者人非真心愛戴而服之也追干強大力不足

以與之敵不得已而然也以德而得人之服者其服不徒在外乃由中心愛悅至誠而相服也就如孔子一布衣耳初無勢力位號又當時亦極流離困苦而七十子咸心服之毫無所强者然也誠服如此詩有云王者之化自西自東自有自此無思不服夫無思不服心服也此卽

以德服人之謂也王不得天不可見昭

析講以力服人謂以力而得人之服非力以力去服那人也○按詩云鎬京辟雍自西云云不服皇王蒸哉註云武王徙居鎬京講學行禮而天下自服也○四自字就鎬京言自鎬京而東而西云云引孔子是狀心悅誠服之事引詩是誣心悅誠服之義○問王霸之別朱子曰以力服仁者已無仁之寔而假之也以德行仁則其仁在我而惟所行莫以侵曹伏衛之事而視夫東征西怨虧抑質成者則今心之服與不服可見○無思不服言無十人的心思不服武王就是行主道而得民心之悅服故此之謂意不比他處卽其相近者以爲証也

### 仁則章全首

此章勉時君以強仁之意首節論仁不仁有榮辱如憲未二十節結其意而引言以明之○通章以仁不仁相形歸重引人君于仁蓋世王皆知喜榮惡辱而不知其由于仁不仁而仁不仁之分途機關在及是時上周公之戒成王孔丘之贊詩蓋深有味乎及是時之可以免侮也然及是時而仁則榮由已及時而不仁則辱亦由已故又結以自求正提策世主精神處

孟子曰仁則榮不仁則辱今惡辱而居不仁是猶惡辱而居下也惡去聲下同

好榮惡辱人之常情然徒惡之而不去其得之之道不能免也

參序孟子曰好榮惡辱人之常情殊不知其相懸之一故有由然也惟人君脩德行善而仁則身尊國顯不期榮而自榮矣若驕奢淫佚而不仁則身危國亂不期辱而自辱矣夫不仁爲辱之所由得今既惡辱而反居不仁必不能免辱是猶惡

濕而反居下必不能免于濕也

析講上是論其理下是致其成仁就本諸身而見諸事者言卽下舉賢能明政刑之類是也榮卽大國必畏也不仁卽殺樂每教也辱卽自求禍也而則字便舍自未意今惡辱一句只是起不節意

## 如惡之莫如貴德而尊士賢者在位能者在職國家間暇及是時明其政刑雖大國必畏之矣

聞音

此因其惡辱之情而進之以彊仁之事也貴德猶尚德也士則指其人而言之賢有德者使之在位則足以正君而善俗能有才者使之在職則足以脩政而立事國家間暇可以有爲之時也詳味及字則惟日不足之意可見矣

參淺說夫人君誠知惡辱則莫如去不仁而爲仁于是貴德而尊顯有德之士士之賢者德成于內者也則使之在輔弼之位士之能者德運于才者也則使之在百司之職斯則治人往而治道可圖矣一旦外患少息而國家間暇此正可以有爲之時也則遂及是時而與賢者能者修明其政凡大綱

小紀秩然不亂修明其刑凡五刑五罰咸得其平如以此以強不則邦本以固國勢以張雖强大之國亦必畏服之矣何桀姬之

析講如惡之三句極有力正借他這點羞惡之心去挑動他莫如字直貫至刑政德以所抱言士以其人言賢是德之全能是德之用及字有惟恐蹉過之意亦是人主無事時常存有事之心能及時圖治便高人一着○必先賢能在職位者用人爲主國家有了人乃可與乘時乃可以修政刑○此一節應仁則榮一句貴德三句以用治人言明政刑以立治法言士字包下賢能尊字包下位職尊之則貴尚之矣預收賢能以充位職正爲修明政刑計也間暇內變外侮不生便子是正強仁之時也及是時二字最重政刑者仁之具也○蒙引問何以必及間暇乃明政刑曰戰國時無日不爭城爭地國家多事常是危急存亡之秋故孟子言此者云用賢能而得間暇看到今固家節便說不復去矣

## 詩云迨天之未陰雨徹彼桑土綢繆牖戶今此

下民或敢侮予孔子曰爲此詩者其知道乎能治其國家誰敢侮之

徹直列反土音杜綢音稠繆武彪反

詩幽風鴟鴞之篇周公之所作也迨及也徹取也桑土桑根之皮也綢繆纏綿補葺也牖戶巢之通氣出入處也予鳥自謂也言我之備患詳密如此今此在下之人或敢有侮予者乎周公以鳥之爲巢如此比君之爲國亦當

思患而預防之孔子讀而贊之以爲知道也

參窺說詩之托鳥言也有云及天未陰雨之時而往取桑根之皮以補葺巢之戶牖使之堅固以避不測之患今此在下之民其或敢有擊射而侮予者乎此周公借鳥以明及時圖治之意也孔子讀而讚之曰爲此詩者其知思患預防之道乎夫个君能及時而任治人謹治法以治其國家效鳥及時而爲巢則無隙可乘而誰敢侮之觀詩及

孔子之言則吾所謂仁則榮豈不信哉

析講蒙引鳥之巢在民居之上故曰下民○麟士日能治二句亦孔子語能治云者制治于未亂保邦于未危也○指南

此引詩以証上節之意未陰雨國家閒暇之意也徹彼二句明政刑之譬也今此下民二句大國必畏之譬也責重未陰雨上迨字正與及字應或字有惴惴不敢自必之意能治謂制治未亂保邦未危要見未然之防意方與詩應

○知道本是知治國之道但意尚在下且慢說

今國家閒暇及是時般樂怠放是自求禍也

盤樂

音洛教音傲○言其縱欲偷安亦惟日不足也

參窺說當令之爲國者不能預收人才以寔其國俟國家閒暇則及其時而散樂以縱欲怠放以偷安政荒而不之問刑虐而不之恤其不仁如是則國事非國勢日蹙而傷之者至矣是自求禍也何辱如之乎

析講此一節應不仁則辱一句○蒙引般樂怠放不恤政刑也不恤政刑無求于賢才而惟多諛是崇是用矣自與上文相反對

禍福無不自己求之者

結上文之意

參太全仁樂福也。以已之及時圖治者致之。不仁之辱禍也。以已之怠于間暇者取之。可見禍福無不有自己求之者。析講上節自字卽此節已字此節自字當作由字看下節自字與上節同。

詩云永言配命自求多福。太甲曰天作孽猶可違。自作孽不可活。此之謂也。孽魚一

列反

詩大雅文王之篇求長也。言猶念也。配合也。命天命也。此言福之自己求者。太甲箇書篇名孽禍也。違避也。活生也。書作道。道猶緩也。此言禍之自己求者。

參淺說詩云人能長念合乎天理則盛大之福自我致之。太甲曰已無罪而天降之災猶可修救以挽回自爲不善而陷于禍則必不可得生。詩之言卽福自己求之謂也。書之言卽禍自己求之謂也。

人君可不省哉。

析講蒙引

天作孽如水火盜賊之災。說到配命。

說到自作孽俱是極力提醒求榮惡辱之君處。

孟子曰尊賢使能俊傑在位則天下之士皆悅而願立於其朝矣。朝音潮

俊傑才德之異於衆者

參序孟子曰王政在得人心。如賢能之士國所賴以輔治也。必尊禮其賢而有德者器使其能而有才者俾凡才德出衆之俊傑莫不在位。不但吾國之士悅之也。則天下之士皆悅吾用人才有道而願立于其朝矣。

析講麟土曰俊傑卽賢能如前章賢能卽士皆足上之詞。此卽言主政待士之重。饒氏曰尊非禮貌之虛文與之共之。太位治天下職以至去謹遠色賤貨貴德皆尊賢之道使者有

利而器使之也此以本國之土言天下之士以他國言○坑五節中四其字之字便舍鄰國之政不能如此故聞風者皆願歸之

市廛而不征法而不廛則天下之商皆悅而願藏於其市矣

廛市宅也張子曰或賦其市地之廛而不征其貨或治之以市官之法而不賦其廛蓋逐末者多則廛以抑之少則不必至廛也

叅蒙引由上而下通財用者商也于市則有待商之政或逐末者多則賦其市地之廛稅以抑之爲其厚于利也而不更征其所貨之物若逐末者少則但治之以市官之法而已亦不取其廛稅不但吾國之商悅之也則天下

之商皆悅吾厚商之仁而願藏于其市矣

析講此市字與下關字耕者字廛字微讀不與下句相連。○是常行的廛是時或報罷的征是決無的○市都邑之一市市

官之法如周禮市司平物價治華詒察異言異服之類○此節言王政待商之寬○通考云廛市者財貨諸物貯舍之稅所謂列肆之稅○市四面有門每自市門開則商賈百物皆入○朱子曰市廛而不征謂使居市之廛者各出廛賦若干如今人賃鋪面相似々

關譏而不征則天下之旅皆悅而願出於其路矣

參大全往來者旅也凡衆途所會之地則立關以限之行旅有傳節方可度但以此稽考其來廛以防其姦宄而不征其實來之貨稅不但吾國之旅悅之也則天下之旅皆悅吾柔遠直道而願出乎其路矣

析講在市曰商在途曰旅○此節言王政待旅之厚○傳節如今脚引及州縣移文

野矣

但使出力以助耕公田而不税其私田也。參趙注以耕爲業者農也其于耕者則井田什一但使出力以助耕公田而不横税其私田不但吾國之農悅之也則天下之農皆悅吾薄斂之仁而願耕于其野矣。

折講此節言王政待農之仁助而不税卽耕者九之一之法

廬無夫里之布則天下之民皆悅而願爲之氓矣。

氓音盲

周禮宅不毛者有里布民無職事者出夫家之征鄭氏謂宅不種桑麻者罰之使出十里二十五家之布民無常業者罰之使出夫百畝之稅一家力役之征也今戰國時一切取之市宅之民已賦其廬又令出此夫里之布非先王之法也氓民也

參存疑以廬爲居者氓也市卒之民各有常業非無常業而游手游食者也則無令出夫百畝之稅以其不在無常業者之例也其所居之廬乃積貨之所原非可種桑麻者也則無令出十里二十五家之布以其不在不種桑麻之例也則

天下之民皆悅吾厚民之政而願爲之氓矣。  
析講廬字與上廬字不同上廬字是市肆此廬是城邑之廬在王城左右卽民廬也○大金饒氏曰家征是力役之征如今庶政夫征是粟米之征如今輸租里布是布縷之征如今納綢皆爲警游惰而設○楊升庵曰氓字從亡從民蓋去其本土而占籍于他國者也周禮所以以田里安氓土宜教氓又立新氓之治○此節言王政之厚流氓謂寬來附之氓也無夫里之布只依本文看作二項說不依諸家補出一家力役之征爲直捷按都邑制如井田九區前朝左祖右社後市中爲公宮左右各三區是爲民廬後市之廬是爲廬而不征之廬也左右民廬是其居停堆貯處居廬之民不專以爲商者言之卽百工營作等亦在其內○蒙引夫征里布先主所設以警游惰之法非常制也後世暴君奸吏所承之以爲常制之名色遂使民不聊生耳○市宅不可種桑麻管作又非無恒業故當無夫征里布之罰

信能行此五者則鄰國之民仰之若父母矣率其

子弟攻其父母自生民以來未有能濟者也如此則無敵於天下無敵於天下者天吏也然而不王者未之有也

呂氏曰奉行天命謂之天吏興廢存亡恤天所命不敢不從若湯武是也○此章言能行王政則寇戎爲父子不行王政則赤子爲仇讐

卷太全夫五者之政得天下之人心如此今之君信能以寔心行實政于此五者一見諸施行則鄰國之民若士農若商旅皆仰而愛戴之若父母矣仰爲父母則民即其子弟使邦國之君率民以攻我是率其子弟攻其父母也自生民以來未有以率子弟攻父母而能濟其事者也如此則無敵于天下無敵于天下者乃奉行天命之吏也凡暴亂之國皆得奉天命而征之東西南北何向不服然而不王者未之有也不然吾國之民亦仇讐也况鄰國況天下乎

折講無敵于天下者乃此章之大旨恭行王者之政則可以興王者之治當時諸侯不得民心惟務侵人土地故孟子教之○上五條只列舉王道而言其理如此此節言行王道卽可以王天下而勉當時諸侯以力行也饒氏曰吏君所命天吏天所命君所命者可以刑人殺人凡獲罪者皆得而刑戮之天所命者可以征人伐人凡暴亂之國皆得而征伐之此章總爲當時殘忍之君而發首節一章本旨言仁心人所同其次節言聖人能充滿其量中三節入聖人之心也主意重在擴充上不徒曰不忍之心而必加于人字著見同類尤指規

## 孟子曰人皆有不忍人之心

天地以生物爲心而所生之物因各得夫天地生物之心以爲心所以人皆有不忍人之心也衆大全孟子曰天地之大德曰生而人又得天地生物之心爲心故不忍害人之心人人皆具而有之無聖凡之殊也析講指南曰人則無兩我曰皆則無異同日有則非本無生日

不忍人之心，直是一體如傷天地生生之意。不忍人之心，照下文怵惕惻隱，看主心之發見時說，卽所謂情也。雖包四端，且只照本文說，直解云人各于此心故可悲可憫之事，觸于前而惻隱好生之意便動于中。這叫做不忍人之心。照下講亦明白。新安陳氏曰：不忍卽是仁忍則非仁性中有此仁發出來，便是不忍人之心。所以後面提起所以謂人皆有不忍人之心者，然後指出惻隱之心以當之。見孺子入井而惻隱者何也？蓋不忍孺子之如此也。若見此而不動心，則頑忍，非人矣。蔡氏曰：前言不忍人之心，後言兼四端，分明仁統四端，卽是專言之。七後是偏言之仁。

## 先王有不忍人之心斯有不忍人之政矣以不

## 忍人之心行不忍人之政治天下可運之掌上

言衆人雖有不忍人之心，然物欲害之存焉者寡，故不能察識而推之。政事之間惟聖人全體此心隨感而應，故其所行無非不忍人之政也。

衆大全人有是心而私欲間之，故不能達之于用。惟先王全

體周流隨感而應，纔有不忍人之心，卽有不忍人之政矣。不待充廣，更無過抑也。以不忍人之心行不忍人之政，則老者衣帛食肉，黎民不飢不寒，天下睡大運以此心而有餘，其无往也。猶運之掌上耳。何難之有？此所謂全其皆有之心也。析講蒙引人皆有不忍人之心，此句如云人皆有之。先主有不忍人之心，此條如云賢者能無喪耳。非爲先主詳也。故下僚即接云所以謂人皆有不忍之心者不然。是隔先主一畧，了。斯字要看註云全體此心隨感而應，是不待擴充自然完備。若衆人則須察識擴充所謂其次致曲也。運之掌上不作效說，只言天下睡大運之一心而有餘，與反掌不同。上二句重斯字，有天德，便有王道意。且沒泛說，下二句重行掌下文運掌句裏，此二句言聖心運手，政則恩可廣被，其及天下之天下無難矣。

所以謂人皆有不忍人之心者，令人乍見孺子將人於井，皆有怵惕惻隱之心，非所以內交於

孺子之父母也非所以要譽於鄉黨朋友也  
非惡其聲而然也

狀音黜內讀爲納要  
平聲惡去聲下同

乍猶忽也。惊惕驚動。貌惻傷之切也。隱痛之深也。此節所謂不忍人之心也。內結要求聲名也。言有見之時便有此心隨見而發。非由此三者而然也。程子曰。滿腔子是惻隱之心。謝氏曰。人須是識其真心。方有見孺子入井之時。其心休惕。乃真心也。非思而得。非勉而中。天理之自然。

也。內交。要譽。惡其擊而然。卽人欲之私矣。

參醒宗所以謂人皆有不忍人之心者。何以驗之。吾不驗之。常而驗之。變不觀之。暇而觀之。猝無論。先主卽今之人。乍見孺子將入于井。無論賢愚。皆有休惕惻隱之心。方此心騁發之時。非欲以此內交。平孺子之父母。而結其好也。非欲以此于求仁愛之美譽也。非惡彼不熟人之名。而欲以此避之也。倉卒之間。無安排矯飾。而天機印動。此所謂真心。此所謂皆有不忍人之心也。

折講

大全王氏曰。惊惕緣見而警動。惻隱由傷切而而有

深。○朱子曰。孺子入井如何。不推得其他底出來。只捲得惻隱之心出來。蓋理各有路。如做寧寄處事。如何。令人不善惡偶。通人衣冠而揖我。我便亦揖他。如何。不恭敬事。有是非必辨別。其是非試看是甚麼。去感得他。何處。一般出來。○胡氏曰。集註與謝氏皆看得。乍見二字。緊若既見後稍接。安排商量。便非本心矣。非所以三句明乍見之心。無所爲。以見不忍之心爲人所固有。此條是不忍人之証驗。○此節與下三節意相承。此節言惻隱之心。出于自然一節。悉數人必有之心。三節者。心爲性之端。以見其必有也。

由是觀之。無惻隱之心。非人也。無羞惡之心。非人也。入也。無辭讓之心。非人也。無是非之心。非人也。  
惡。去聲下同。羞恥已之不善也。惡懷人之不善也。辭解使去已也。讓推以與人。也是知其善。而以爲是也。非知其惡而以爲非也。人之所以爲心。不外乎是四者。故因論惻隱而悉數之。言人若無此。則正得謂之人。所以明其必有也。參淺說。由是見。惊惕。惻隱之可見無惻隱之心。非人也。八則。

必有惻隱之心矣。有惻隱則必有羞惡。辭讓是非。若無羞惡之心。非人也。人則必有羞惡之心矣。無辭讓之心。非人也。人則必有辭讓之心矣。無是非之心。非人也。

析講大全黃氏曰。由是觀之。是字指孺子入井一事。說○翼註。由是觀之。接上甚緊。不必別用過文。此條是反說。以見其必有與可離。非道二例。看幾個悲人。也不是該詞。正見得無是心。必非人。既是人。則必有是心。須如此活看。淺說妙。

惻隱之心。仁之端也。羞惡之心。義之端也。辭讓之心。禮之端也。是非之心。智之端也。

惻隱羞惡辭讓是非情也。仁義禮智性也。心統性情者也。端緒也。因其情之發而性之本然可得而見。猶有物在其中而緒見於外也。

參大全。然四者之心爲人所必有者。則以此心皆情也。而情寔全之于性耳。蓋性蘊于中。而情發于外。卽其發之自然。而其中之本然者。可得而見矣。故性中子有仁。却是肫然慈愛之見也。使非有此仁義禮智之性。又安有是惻隱羞惡辭讓是非之情哉。

析講大全朱子曰。仁義禮智。是未發的道理。惻隱等。是已發的。端倪。如桃仁杏仁。是仁。到得萌芽。便是惻隱。仁義禮智。本體。自無形影。捉摸不着。只得將他發動處看。却是見得程子云。以其惻隱知其有仁。此八字說得最親切。分明也不道。惻隱便是仁。又不道。揜了惻隱。別取一個物事。說仁。惻隱羞惡。多是因逆其理。而是惟宜所可傷。這裏惻隱之端。便動惟有所可。惡這裏羞惡之端。便動。若是事親從兄。又是自然順處。見之。此節乃是。由情推到性上去。按通考。端緒。譬

一。金雨絲。处有一條。便知內有一團。有緒。在內。故繩縫者。先繫其緒。則于絲萬絲續續而工。陳潛室曰。性辭寂然。不動。而其中自有條理。所以外邊纏動。其中便應如赤子之事。感

則仁之理便應而惻隱之心形如楚爾博爾之事感則義之理便應而恭散之心形如姦醜美惡之事感則禮之理便非之心形蓋由其中衆理渾然各各分明故外邊所遇隨感隨應○此節言四者之情爲仁義禮智之端見是人所固有而出于自然者也意在原情爲性之所自出以見情之必在非如王下孟性善章因情以著性之本體而重性也然說一端字似對忘字說仁道究竟甚廣而惻隱始見一端便全可充之而又不可不充意在○惻隱之心非因事物之接而始有也人之有是惻隱者由其有仁愛之性具于心因事而發爲惻隱是惻隱之心亦仁之端也下三句倣此

入之有是四端也猶其有四體也有是四端而自謂不能者自賊者也謂其君不能者賊其君者也

四體四肢人之所必有者也自謂不能者物欲蔽之耳

合眾四者之心固爲仁義禮智之端矣然此四端非本無而有是四端者也人之心必有是四端也猶人之身必有是四體也于不善之地自賊者也謂其君不能全者是不由先生主責其君而置其君于不善之地賊其君者也夫自賊其君而其爲之平

析講四體不但喻其必有正以起下文當充意蓋四體不正參一毫虧欠四端亦不容一毫虧欠○按能不充卽不能充不存熊堯意俱且渾言○麟士曰仁謂不能亦指君而言蓋此亦爲當時諸侯發會也○四端卽情言卽惻隱四者之心也自賊者責其君○將臣重責君邊

凡有四端於我者知皆擴而充之矣若火之烟然泉之始達苟能充之足以保四海苟不充之不足以事父母

擴音

擴推廣之意充滿也四端在我隨處發見知皆卽此推廣而

充滿其本然之量則其日新又新將有不能自己者矣能由此而遂充之則四海雖遠亦吾度內無難保者不能充之則雖事之至近而不能矣○此章所論心之性情心之體用本然全具而各有條理如此學者於此反求默識而擴充之則天之所以與我者可以無不盡矣程子曰人皆有是心惟君子爲能擴而充之不能然者皆自棄也然其充與不充亦在我而已矣又曰四端不言信者旣有誠心爲四端則信在其中矣愚按四端之信猶五行之土無定位無成名無專氣而水火金木無不待是以生者故土於四行

無不在於四時則寄主焉其理亦猶是也

參語類四端皆有而皆能如此但人爲私欲所蔽不能察識而擴充之耳使凡有四端于我者反而自求知得四端在我隨處發見皆取此四端由一事而推之于事事無不加以推廣之功而充滿其本然之量矣將見此道漸漸生長便不能自己若火之始然便不可遏泉之始達便涓涓流不絕自此而擴而充之機勢也苟能即此不已之機而遂充之以滿其量則仁無所不愛義無所不至宜禮無所不敬智無所不明四海之大足以保之而無難苟不充之則雖父母之在家庭而不

足以事之擴充豈容已乎皆有是心者其以先主自勉焉可也

析講凡字以人言𠃑字以四端言下ノノ凡字見得不但先主○知皆擴而充之重在知與擴充上是方知去擴充缺其充滿也苟能充之是承知擴充來蓋既知推廣使其充满用功久之遂能充滿也知與擴是用功之始能與充足是用功之成○始然始達是言善端發處勃然充長其勢莫過之意○知字與始然始達字相應中間矣字文勢不斷充字與保四海相應○朱子曰上帶知皆擴字說下就能充滿說惟擴而後能充能充則不必說擴矣○陳雙峰曰集註即此推廣是釋擴字滿其本然之量是釋充字○許氏曰此章七節第一節言人皆有仁二節言先主全此仁以寔人之皆有是心三節就人易曉處指出使人體認其心四五節併言義禮皆各有所發皆是本然之性六節言四事人所共得不可自棄七節言因發處察識而充之工夫全在此一節○此節正點入以擴充之全功也上三句是著善端擴充之機中一句究其能充之量末一句是決其不可不充也四端雖敵于物欲而本體不息故常隨處發見知皆擴而充之者謂不卽諉于不能

隨其發見之端而察識其何心皆卽此發見之端而悉推廣之以充滿其本然之量也。如發而爲惻隱羞惡卽此所不外以推之于所不忍使之皆出于不爲是也。辭讓是非亦然。此方知去推廣未便著事功說。若人二句見得是心固有不待外求欲之卽至引之卽起而善端之充自不能已也。始然喻其由微而著始達四端于我一人極是語此直至始達爲斯一截擴充二字有分別。朱子云：如注水相似擴是注水下去充足法得器滿了。○始然始達二始字食下能充不能充兩層能充則如水火之進海燎原而不可遏不能充如火始然而卽熄泉始達而卽壅。○家引治天下可運之掌上自然者也。恕曰：擴而充足以保四海勉然者也。其道一也。

### 矢人章全旨

此章重故術不可不慎一句首節言標術在仁次節引聖言以申明之三節深爲不擇仁者微末是微之爲仁在乎反求諸已。○通章有主諸候說者上因人役字直故也然白文大註俱無明註不必拘

孟子曰：矢人豈不仁於函人哉？矢人唯恐不傷

入函人唯恐傷入巫匠亦然故術不可不慎也

函人音舍○函用也惻隱之心人皆有之是矢人之心本非不如函人之仁也巫者爲人祈祝利人之生匠者作爲棺槨利人之死

樂淺說孟子曰人皆有不忍之心矢人之本心豈固不仁于函人哉乃卽具爲矢爲函之心而言之矢人惟恐其矢之不利而不傷人函人惟恐其甲之不堅而至于傷人是矢人之心果不仁于函人矣然不特矢人函人然也卽彼巫利人生匠利人死亦有然。是匠者之心果不仁于巫矣此非其初本心之異也而其所爲之術有以使之而異其心也故凡人之術業不可不慎而審之也。

析講大全陳氏曰：此只借術之當擇引起下人當擇仁而處之意。術字承矢函巫匠而推廣言之。凡人所肄習者皆術也。不可不慎。言當就其全吾仁者去其害焉仁者尤重在害。在一邊。○蔡氏曰：矢函巫匠其本然之心同。惟其操術殊故

此心慈忍頗異術之足以移人也如此而可不慎乎

○首句就本初之心說中三句就今日爲術之心說

孔子曰里仁爲美擇不處仁焉得智夫仁天之

尊爵也人之安宅也莫之禦而不仁是不智也

焉於虔反夫音扶○里有仁厚之俗者猶以爲美人擇所以自處而不於仁安得爲智乎此孔子之言也仁義禮智皆天所與之良貴而仁者天地生物之心得之最先而兼統四者所謂元者善之長也故曰尊爵在人則爲本心全體之德有天理自然之安無人欲陷溺之危人當常在其中而不可須臾離者也故曰安宅此又孟子擇孔子之意以爲仁道之大如此而自不爲之豈非不智之甚乎

參淺說術何以慎正以慎所擇耳孔子嘗曰里有仁厚之俗擇居尚以爲美若人擇所以自處而不于仁則本心之明已失安得爲智乎孔子此言何謂也謂夫仁也者自其天所與而言則天地生物之心爲最先所以統四德該萬善而爲良貴之首天之尊爵也自其在人而言則有天理自然之安無

人欲陷逆之危爲目用常處而不可離者人之安宅也仁之關切于人者大矣莫爲之禦而自不處仁棄其所至尊舍其所至安是是非之心不明而不智也孔子之意益如此析論大全陳氏曰孔子本言擇里孟子以証擇術○存疑處仁論詭指仁里此指仁道言○夫仁天之以下是孟子擇孔子擇不處仁焉得智意○天地以生物爲心人合下就得那生物之心以爲心所以說得之最先○醒言孟子爲人擇術處先言是不智也醒以是非之心欲人擇仁後言如耻之動念以羞惡之心欲人決于爲仁○蔡氏曰此節言仁道之大而人不可不爲下節遂言不仁之辱總爲下文真如爲仁句張本○曰尊爵者見萬善皆出其下曰安宅者見非人所能擇尊正與人役相反天之尊爵猶云天所與我之尊爵也便見不可襄意人之安宅猶云人所自有之安宅也便見不可棄意上二字是趕下語意

不仁不智無禮無義人役也人役而恥爲役也  
弓人而恥爲弓矢人而恥爲矢也由與猶同

以不仁故不智故不知禮義之所在。參存疑夫不智而昧于擇術固所以不仁而不仁則物欲日蔽本心日昏而益以不智不智則不知禮義所在而動必越禮行必乖義又將無禮無義矣四者俱無則德不足以服人彼有德有力者皆足以服我而我當爲之役是人役也天不可免也抽弓人矢人攻爲小藝以供人用不能大有爲以服役人而自羞耻其爲弓自羞

耻其爲矢也亦奚能免于耻哉

析講上六言由不智故不擇下言由不仁則良知日昏而益不智蓋以用功之序言則先智而後仁以自然之理言則先不而後智○人役而耻爲役且驗本一文講明人二句亦章欲不爲人役不可得也重正意上○人役只舉之之辭甚言不仁之可恥

### 如恥之莫如爲仁

此亦因人愧恥之心而引之使志於仁也不言

智禮義者仁該全體能爲仁則三者在其中矣

析講此節正爲人擇術處乃一篇大要箇

### 仁者如射射者正已而後發發而不中不怨勝

已者反求諸已而已矣

中去

爲仁由己而由人乎哉

參序夫仁者之于仁有如射然射者之于射不遽發矢也必內正已之志外正已之體極其審固而後發矢苟發而不能中則不怨人之能中而勝已者惟反求諸已以爲志容有未正吾體容有未直求所以正之直流之而已矣爲仁由己如是可不自勉哉

析講蒙引及求諸已修德自強也如貴德尊士云云畏之矣前章亦以此爲仁也○射者正已三句借射以發明爲仁之義皆就射上說爲仁由己之意則在言外○此節示以爲仁之機在已使自勉也爲仁便是仁者如射如射者一事也只

虛議不可盡出反已之意若盡出下文不消人說射一事矣未  
補爲仁由已意須兼正已反已意如云射者未發之先所正  
者已也于人固無與也既發之後所求者已也于人亦無尤  
也爲仁者始焉慎其術而擇乎仁自己擇之也終焉求免于  
恥而進于仁自己進之也故曰仁者如躬

### 子路章全旨

通章見聖賢樂善之誠意自由進之禹自禹進之

要見禹已自大禹舜又有二種不同處

### 孟子曰子路人告之以有過則喜

喜其得聞而改之其勇於自脩如此周子曰仲由喜聞過令名無窮焉今人有過不喜人規如譁疾而忌醫寧滅其身而無惜也憲程子曰子路人告之以六

有過則喜亦可謂百世之師矣

參本全孟子曰嘗歷觀古昔聖賢如子路賢者也勇於自脩惟恐已之不善失子不知而不能改有大過而不知滅其身而子得聞而改之

析此節重在禹上禹重得聞而改上是子路見得已未善

### 禹聞善言則拜

而善在人也○蔡氏曰喜其得聞而改便有遷善之機是子路之樂善也

書曰禹拜昌言蓋不待有過而能屈己以受天子之善也參輔氏夏主太禹則聖人也其心惟恐人之善壅于不能聞而不能行故一聞人之善言則至誠屈己屈而受之一善一惡其樂善之心皆出于誠如此

析講此節重在禹上惟其好之是以拜之拜矣

有受善意是禹見得善在人而已未盡善也

### 大舜有大焉善與人同舍已從人樂取於人以爲善

舍上聲

樂音洛

言舜之所爲又有大於禹與子路者善與人同公天下之善而不爲私也已未善則無所繫益而舍以從人人有善則不待勉強而取之於已此善與人同之目也

參大全禹樂善已不可及矣至于子有虞大舜則德度量

更有大焉者善本公理舜則以天下之善公之天下之人而與之同之不敢以爲已善而虛心以從人蓋不知善之在己也見人之善則至誠樂取以行之于身蓋不知善之在人也不知孰爲在己孰爲在人所謂人已爲一而善與人同始此析講朱子曰禹聞善言則拜猶着意舜善與人同是自然氣象蔡氏曰禹拜昌言猶未免見善之在人既見善在人卽有見善在己之意舜則見得此善在天下乃人已公其之理全無爾我異見如一池魚共一池水魚有分別水無分別此則就他心上看得如此下乃是目也舍己一句總是見善不見人而毫不立一人已之見故曰善與人同○舍己從人非己真有昧善正見聖人心不自滿故不自以爲善處○善與人同是大之寔舍己二句又是善與人同○寔與人同此善字以天下之公善而言不可認作舜之善○按善固天下之公理然與人同與字却屬舜與字內有己字但此只說與人勿來入己字下舍字方露出○舍己二句串看正善與人同處蓋舍己便是從人從人卽是收入但下句加一樂字以足上句之意耳○上句重舍字下句重樂字樂字又根于舍字總是一忘己忘人的念頭○翼註舍己不必定說己未善只

### 自耕稼陶漁以至爲帝無非取於人者

舜之側微耕于歷山陶于河濱漁于雷澤

衆存疑且舜之樂善非但一時自耕稼而陶而漁以至爲帝無非取于人者蓋其平生爲人都是一如此

析講此節側重爲帝邊見天子能舍己尤難

### 取諸人以爲善是與人爲善者也故君子莫大乎與人爲善

與猶許也助也取彼之善而爲之於我則彼益勸於爲善矣是我助其爲善也能使天下之人皆勸於爲善君子之善孰大於此此章言聖賢樂善之誠初無彼此之間故其在人者有以裕於己在己者有以及於人參輔氏舜之取人爲善亦爲渾忘未嘗有助人爲善之意然自今想見其心而推其善取諸人以爲善則人將因吾之取而益勤于爲善是乃助人之爲善者也夫因吾取使人皆勸

于爲善，則是聖人成己成物之事矣。故君子之善莫大于此。舜之所以大，千由禹也。人可不知所進而自勉哉。析講上節大字就取人爲善說，此節大字就成人爲善說。君子作聖人看，莫大乎與人爲善。在舉一世而甄陶之，上覩其大。○此節推本舜樂善之量，而贊其爲善之大也。君子暗摶舜言，莫大句只是贊嘆了却大字之意，正應大舜有大句莫大云者，合天下而共成其善，則善之分量始充滿而無限也。

伯夷章全旨

此章重君子不由也，一句正發明願學之意。隘與不恭不可，在作敗詞，前二節一束以夫字，一束以就字，指歸在論夫就不必以清和字面，掩入。敘伯夷則一節緊一節，所以見得他隘敘下惠則一節寬一節，所以見得他不恭。二子病根全在二不，不屑，上若時中君子天下皆吾一體，何忍不屑。

孟子曰：伯夷非其君不事，非其友不友，不立於惡人之朝，不與惡人言。立於惡人之朝，與惡人

言如以朝衣朝冠，生於塗炭，推惡惡之心，與鄉人立其冠不正，望望然去之，若將浼焉。是故諸侯雖有善，其辭命而至者不受，也不受也者是亦不屑就已。  
朝音潮惡惡上去聲  
下如字浼莫罪反

塗泥也。鄉人鄉里之常人也。望望去而不顧之貌，汙也。屑趙氏曰：潔也。說文曰：動作切切也。不屑就言，不以就之爲潔，而切切於是也已。蓋助辭。暴存疑孟子曰：昔伯夷者，擇君而事，非其可仕之君不事。擇友而友，非其可友之友不友。惡其惡也，不但不事，其朝亦不立也。不但不友，亦不與言也。若使立于惡人之朝，與惡人言，不如以朝衣朝冠之尊貴，而坐于塗炭，有不能一息安者矣。其惡惡之心如此，誠由其惡惡之心而推之，又不但惡人他的心，卽思與卿人並立其冠不正，亦少失禮耳。非有甚，則絕之行也。亦望望然去之而不顧。若將浼焉，惟是恐浼之故，不

但鄉人彼天下諸侯雖有善其詞命而來聘者初無以失禮矣亦必不受其聘不受也者蓋其視今之諸侯皆非其君也皆惡人之朝也是亦不以就諸

侯之爲潔而切切然必于就已

析講此有一節深一節意不立深于不事不言深于不友鄉人之冠不正未爲甚惡也而必去詞命之善無少失禮不必深責也而不受不受指聘召之禮不屑就是推其不受之故心不潔其就而以汚得諸侯以去爲道者也全要想他鑒的意患通節李其行而推其心○推是孟子推忠是孟子思想非有寔事只形容其意向如此○蒙引詞命雖善其人未必

善也故亦不受若孔子則交以道接以禮斯受之矣

柳下惠不羞汙君不卑小官進不隱賢必以其道遺佚而不怨阨窮而不憫故曰爾爲爾我爲我雖袒裼裸裎於我側爾焉能浼我哉故由申

然與之偕而不自失焉援而止之而止援而止之而止者是亦不屑去已

佚音逸祖音但裼音錫裸魯東反裎音程焉能之焉於虔反

柳下惠魯大夫展禽居柳下而謚惠也不隱賢不枉道也遺佚放棄也距困也憫憂也爾爲爾至焉能浼我哉惠之言也袒裼露臂也裸裎露身也由由自得之貌偕並處也不自失不失其上也援而止之而止者言欲去而可留也參序又有柳下惠者不以汙君爲羞而亦事之不以小官爲卑而亦爲之其廸而爲小官以事汙君也不肯苟且以隱在己之賢才而必以其直道而行雖至道有不合終至爲人遺佚而不怨乎人以至身處阨窮而不憂諸已故其言曰天下之人爾自爲爾我自爲我雖袒裼裸裎於我側爾自無禮耳焉能浼我哉惟其視人皆不能浼已故不擇交游常由由然與衆人同處而不自失其正焉雖其欲去之際或有欲援而止之者惠卽止焉其援而止之而止者蓋以吾身自正而不能浼不自失者自在焉是亦不以去爲潔而切切然必于去已

析講自首至不憫是述惠之行故曰至惻我哉是述惠之言故由由至志是推惠之心亦一節深一節不隱賢一句一下正一反賢節道道卽賢猶云不枉道事人必以道事人云爾不屑去謂潔不在是也蓋曰吾自有真潔而不必去以明潔耳○夷惠尹錯引多章章各有旨養氣章只明不同道割烹章只無不要湯集大成章方是說清任和名寔章爲趨百世之師章言其興起人此要出得隘與不恭也○遺佚一句一串說言雖爲人放棄而身處困窮是心亦無入不自得也援而止之而止者視天下無不可事之君無不可居之官而亦無不可處之衆故不屑去也蔡氏曰惠自視甚高視入甚卑故汙君小官必進者以汙君小官不足玷吾道也不怨不憫者以爲吾道固然非因之有損也故曰以下述其言而槩舉其行總見已之道非世之所得浼也此說極能理會不恭二字○通考趙氏惠曰春秋傳註柳下惠氏展名復字仲柳下是所食之邑名謚曰惠展無戇之後

孟子曰伯夷隘柳下惠不恭隘與不恭君子不

由也

險狹窄也不恭簡慢也夷惠之行固皆造乎至

極之地然既有所偏則不能無弊故不可由也

參大全孟子先言一人之行至此乃評之曰伯夷之行雖高潔然懼人之汚來及已視天下之人無一生可與處者未免孤介絕物而失之狹隘柳下惠之行雖寬和然輕忽待人視天下之人無一足與較者未免棄物輕世而失之不恭聖人之道不取于此君子不由之也蓋道惟中則無弊夷惠不合中庸之道而聖人之道寔大中至正之準君子願學可知哉析講朱子曰孟子恐後人以爲清以不恭爲和故曰不由無也○新安陳氏曰孟子寔篤人法夷惠之得又恐人不知夷惠之失其憂學者至矣○不由非謂由其清而不由其隘由其和而不由其不恭直是不由其清和也君子處已待人之學清而能通不至孤高而絕俗和而有節不至同流而合併夷惠道非大中故不可不由○夷之清便有隘之弊惠之和便有不恭之弊非是流弊也然亦不是庶夷惠總爲學夷惠

孟子卷之三

早稻田大学図書館

011888004140